

Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:


Share — copy and redistribute the material in any medium or format

Adapt — remix, transform, and build upon the material

8275.

9.77.9257

12-83



19 AUG 2008


14572



A 703. №

ԸՆՏԻՐ

Լ Ա Յ Ա Զ Ո Ւ Ն Բ



ՎԵՆԵՏԻԿ

ՍՈՒՐԲ ԴԱԶԱՐՈՒ ՏՊԱՐԱՆԸ

1873



19.04.2013

8225

9(47.925)

18416 549
05 SEP 2011

№-83 542
Центральная библиотека
г. Печино

ИНВЕНТАРЬ

№ 703



2-67

ՀՍՅԿ

ℓ



2869
41

Հայկ մեր ազգին նախահայրը՝ որ
նոյն որդւոյն Յաբէթէն չորրորդ կը հա-
մարուի, էր դիւցազն այր գեղապատշաճ
և անձնեայ. բայց իրեն աւելի ճիշդ և
սեպհական մակդիրքն են՝ հաստաղեղն
և կորովածիգ:

Մինչդեռ Բարեւոն կը բնակէր շատ
տերունդներ և ընդոժիններ ունեցաւ.
այց ստիպուեցաւ անկից ելլել, երբ աշ-
տարակաշխութեան պատճառաւ լե-
զրաները խառնակեցան, և Բէլ ամբար-
տաւանութեամբ կ'ուզէր ամենուն վրայ
բռնանալ: Դարձաւ յՍ.յրարատ, և հոն
առաջին բնակութեան տեղը ժառանգ-

գութիւն թողլով իր կազմու թոռանը, ինքը դէպի արեւմտեան հիւսիս յառաջ երթալով հասաւ լեռան մը մօտ գեղեցիկ դաշտ մը, ուր շինեց գիւղ բնակութեան և կոչեց իւր անուամբը Հայկաշէն. հոն գտնուած սակաւաթիւ բնակիչներն ալ ինքնակամ հնաղանդեցան Հայկայ:

Բայց մեր Նահապետին խաղաղութիւնն երկար չիտևեց, վասն զի Բելայ պատգամաւ լք եկան հրաւիրեցին զնա՝ ի հնաղանդութիւն, խոստանալով շատ պարգևներ և ազատութիւններ եթէ յանձն առնու հպատակել Բելայ. այլ նա արհամարհեց և մերժեց, և խիստ պատասխաններով ետ դարձուց զանոնք: Երբ լսեց Բէլ Հայկայ խրոխտ պատասխանները՝ սրտմտութեամբ լքցուած բազմութեամբ զօրաց եկաւ մեր գիւղազնին վրայ: Կազմու նախ լսելով Բելայ սպառազինութեամբ մտ հասնիլը՝ թողուց բնակութիւնը և եկաւ ապաւինելու Հայկայ քով: Հայկ մէկէն դումարեց իր որդիքը, թոռները և քաջ աղեղնաւոր հաւատարիմ պաշտօնեաները, որոնք ընդ ամենն թէպէտ նուազունք թշնամւոյն բանակին համեմա-

տութեամբ, սակայն հզօրք և քաջք, խրախուսեալ հասան վանայ ծովուն մտ. ուր Հայկ իրենինները քաջալերելէն ետքը՝ պատուիրեց որ աւելի մտադրութիւննին և ուժերնին չարեացապարտ Բելայ վրայ դարձնեն. յետոյ բանակեցուց զանոնք բարձր բլրոյ մը վրայ, ոսկից թշնամւոյն պատրաստութիւնները և կազմութիւնն որոշակի կը տեսնուէին: Բէլ զրահաւորեալ, սաղաւարտ գլուխը, վահան և տէգ ձեռքը, և բոլորաթիբը բազմութիւն զինուորաց, յառաջ կու գար: Հայկ ալ դասաւորելով իրենինները, դրաւ երկու որդիքը բանակին երկու թևերուն, որոնք աղէկ սուր և աղեղ զօրծածել զիտէին. ինքն ալ նախընթաց առաջնորդելով մնացած զօրաց՝ եռանկիւնի մը ձևացուց բանակը. և այս պատրաստութեամբ երկու կողմանէ ալ սկսան յառաջ խաղալ:


Ահաւոր տեսարան մը բացուեցաւ երբ թշնամեաց կողմանէ բազմութիւն երկայնահասակ և յաղթանդամ զինուորաց՝ Հայոց գիւղազանց հարուածէն յերկիր կը թաւալէին, և զինուց և

պատերազմին աղաղակէն կը սարսա-
 փէին լողը: Այսպէս երկար ատեն ան-
 պարտելի կերպով կուռելէն ետքը, Բէլ
 որ չէր յուսար ամենեւին այսչափ ընդ-
 դիմամարտութիւն գտնել 'ի Հայոց, սկը-
 սաւ ետ քաջուիլ և երկու բլրոյ մէջ ամ-
 բանալ, որպէս զի իրեն բովանդակ զօր-
 քը հասնի, և նորէն պատերազմին:
 Բայց մեր հաստաղեղ և կորովածիզ դիւ-
 ցազն արթնութեամբ դիտելով թշնա-
 մւոյն այս պարտութեան շարժումը՝ ա-
 ռաջ կը նետուի, կ'ուղղէ և կը քարչէ
 լայնալիճ աղեղը, և երեքթեւան սլաքը
 խակոյն անսխալ կ'երթայ կը բախէ տի-
 տանեանն Բելայ կուրծքին տախտակը,
 և թափ անցնելով յերկիր կը մխի. և
 ահա մէկէն ահագին սասանմամբ վիթ-
 խարի հողաբլուր զանգոբածը յերկիր
 կը թաւալի և հողին կը փչէ: Այսպիսի
 դիւցազնական քաջութիւնը տեսնելով
 թշնամւոյն բեկեալ զօրքն կը թողուն
 կը փախչին, և Հայկ կը տիրէ անոնց ա-
 մեն կազմածոցը և աւարին:

Մեր դիւցազն նախահայրն Հայկ Բե-
 լայ յաղթանակելէն ետքը, որպէս զի
 յախտեանական յիշատակը մնայ այսպի-

սի քաջութեան, դաստակերտ մը կը շինէ
 ուր տեղ որ պատերազմն եղաւ և Հայք
 կը կոչէ զայն, որ հիմայ Հայոց անր
 կ'անուանի. իսկ բլուրը՝ ուր ընկաւ տի-
 տանեանն իր կտորիճներովը՝ Հայկ Գե-
 րեզնաւս կ'անուանէ. և Բելայ դիակն
 ալ կը հրամայէ տանել 'ի Հարք, և հոն
 տեղ բարձր բլրի մը վրայ թաղել 'ի յի-
 շատակ դիւցազնական քաջութեանը:
 Յետոյ կազմուի՝ իրեն թողան՝ շատ մը
 թշնամւոյն կողոպուտէն պարզև տալով՝
 կտորիճ անձինքներով իւր բնակութիւնը
 կը դարձնէ. ինքն ալ կը դառնայ 'ի
 Հարք իր բնակութիւնը. ուր արիական և
 իմաստուն առաջնորդութեամբ իրենին-
 ները կառավարելէն, և երկիրը շինու-
 թիւններով և բարեկարգութեամբ զար-
 դարելէն ետքը՝ խաղաղութեամբ կը
 վախճանի, յանձնելով իր անդրանկան
 Արմենակայ՝ աղղին կառավարութիւնը:

ՎԵՆԵՏԻԿ





ՏԻԳՐԱՆ Բ.

Մեր Արշակունի թագաւորաց մէջ
գրեթէ ամենէն անուանին իր մեծա-
գործութեամբք և համբաւովն եղած է
Տիգրան միջին անուանեալն, և ամենէն
ծանօթն է օտարազգաց: Մենք խորե-
նացոյն պատմութեանը հետեւելով գի-
տենք թէ երբ իր հայրն Արտաշէս Ա.
մեռաւ՝ ընդարձակ տէրութիւն մը թո-
ղուց իրեն. բայց շատ տեղ ապստամ-
բութիւններ ելան, այնպէս որ եթէ
Տիգրան հօրը ողին և քաջութիւնը չու-
նենար, թերևս և ոչ Հայաստանը կըր-
նար ապրեցրնել: Իսկ ինքն նաև գրտէն
եկող թշնամեաց գէմ ելաւ յաղթեց,

և առաջ երթալով Ասիոյ մէջ տիրեց
 դրեթէ ամբողջ փոքր Ասիոյ . և Միհր-
 դատը թողուց Պոնտոսի վրաց թագա-
 ւոր անուամբ . ինքը դարձաւ Հայաս-
 տան , հետը բերելով իր տիրած տեղե-
 րէն կռոց արձաններ , քուրմեր և շատ
 մը գերի՝ որոնք դրաւ այլ և այլ տեղեր .
 և խստիւ հրաման հանեց թագաւորու-
 նեաց որ թողուն իրենց հրէութիւնը և
 պաշտեն կռուքերը . երբոր անոնք յանձն
 չառին , զօրավարութեան պատիւը ա-
 ռաւ անոնցմէ , միայն թագաւորները
 պսակելու պատիւը թողուց :

Տիգրանայ ժամանակը Ասիոյ մէջ իր-
 մէ զբառ զօրաւոր թագաւոր մը չկար .
 և եթէ օտար ազգաց պատմածին նա-
 յինք՝ որոնք կը նկարագրեն իրեն զօ-
 րութիւնը և արքունեաց ճօխութիւնը ,
 այնչափ բարձրացաւ իրեն սիրտը որ
 մինչև կը կարծէր թէ ամենքն պէտք է
 իրեն հնազանդին . և իր գերի բռնած
 թագաւորներէն չորսը իրեն կը ծառա-
 յեցընէր : Սելևկիացոց տէրութիւնը
 արդէն տկարացած ըլլալով , երկու եղ-
 բարք՝ Անտիոքոս Պիոս և ֆիլիպպոս ութ-
 տարի կը կռուէին թագաւորութեան

վրայ , Սելևկիացիք ձանձրացած ընտ-
 րեցին օտար տէրութեան մը իշխանու-
 թեան տակ մոնեղ , և ուզեցին հնազան-
 դել Տիգրանայ : Սա ալ գնաց հալածեց
 զԱնտիոքոս և Սելևկիացոց թագաւո-
 րութիւնը վերցուց , և Մազդատ անու-
 նով անտիոքացի մը իրեն տեղակալ
 դնելով , ինքը գնաց Հրէաստանի վրայ ,
 ըստ Խորենացոյն , և շատ գերիներ բե-
 րաւ 'ի Հայաստան :

Երբոր Միհրդատ Լուկուլլոսէն յաղ-
 թուած Տիգրանայ քովը փախաւ , նոյն
 ժամանակը կղէտպատրա թագուհին որ
 կ'իշխէր Ասորոց երկրին մէկ մասին
 վրայ , սկսաւ գրգռել Ասորիքը և Սե-
 լևկիացիքը Տիգրանայ դէմ : Այն ատեն
 Տիգրան գնաց Պտղոմայիդ քաղաքը
 պաշարեց առաւ , և թագուհին ալ գե-
 րի բռնեց սպաննեց :

Տիգրանայ պատմութիւնը իսկզբան
 մեզի կը ներկայացընէ Ասիոյ մէջ երև-
 ցած մեծ թագաւորաց օրինակը , մաս-
 նաւոր անոնց՝ որոնք յետ այնչափ զօ-
 րաւոր և մեծ տէրութիւն մը ունենա-
 լու՝ դժբախտութեամբ մը իրենց փառ-
 քը շլացուցին . ինչպէս են Կրեսոս ,

ֆսերըսէս, Դարէհ, Մեծն Ատիոքոս, և այլն. Տիգրան ալ նման վիճակի հանդիպեցաւ: Երբոր Լուկուլլոս ուղեց Տիգրանէն որ Միհրդատը իր ձեռքը մատնէ և կամ պատերազմ ընէ, Տիգրան թէպէտ սաստիկ բարկացած էր Միհրդատայ վրայ, բայց և ոչ վատութեամբ ուղեց զինքը մատնել, այլ Հռովմայեցոց դեսպանաց պատասխան տուաւ, որ ինքը պատրաստ է Հռովմայեցոց հետ պատերազմելու քան իրեն ազգականը և բարեկամը իրենց ձեռքը մատնելու: Այն ատեն Հռովմայեցիք Հայաստանի վրայ եկան, և որպէս զի գրգռուի Տիգրան իրենց վրայ գալու ամենէն առաջ Տիգրանակերտը պաշարեցին: Եւ յերաւի Տիգրան բարկացած՝ բազմութեամբ զօրաց հօն եկաւ. բայց երբոր տեսաւ իրենց քիչուորութիւնը արհամարհելով այս հուշակուած խօսքերը զուրցեց « եթէ ասոնք դեսպանութեան եկեր են շատ են, իսկ եթէ պատերազմի՝ քիչ են ». և այս ըսելով զօրաց կարգ չդրաւ և ինքն ալ անհող կեցաւ: Հռովմայեցիք այս տեսնելով յանկարծակի յարձրկեցան Հայոց վրայ. այն

ատեն Տիգրան շիտթած փոխանակ առաջ երթալու նշան տալու, ետ քաշուելու նշան տուաւ, որով բոլոր զօրքը խռովեցան և Հռովմայեցիք շատ մարդկատրեցին իրենցմէ: Տիգրանակերտ քաղաքն ալ առին: Տիգրան աճապարեց Հայոց հեծելազօրքը խաւրեց, որոնք հանդիպելով Հռովմայեցոց հեծելազօրին՝ զարկին. Լուկուլլոս հետեակ զօրքը առած աճապարեց օգնութեան գալու. Հայք երբոր զինքը տեսան՝ փախչելով ալ հեռուէն նետերով զիրենք հալածողները կը փրաւորէին:

Երբ Տիգրան և Միհրդատ նորէն միաբանեցան և Տիգրան կապազովկիոյ վրայ կը դիմէր, ուղեց Լուկուլլոս անոր դիմացը ելլել և գարձեալ յանկարծակի յարձակմամբ յաղթել բայց զօրքն չուղեցին պատերազմել. այլ երբ Լուկուլլոսին տեղ Պոմպէոս եկաւ, Տիգրան անոր հետ հայտութիւն ըրաւ և առանց կռուի անցաւ Պոմպէոս Հայաստանէն:

Այս հայտութենէն ետքը Տիգրան քանի որ դեռ կենդանի էր իր Արտաւազդ որդին թագաւորեցուց իր հետ: Երբոր Գաբիանոս Հռովմայեցոց զօրա

վարը եկաւ Ասորոց երկրին վերակա-
ցութեան, դարձեալ մէջերնին գժտու-
թիւն ծագեցաւ, և Տիգրան նորէն շատ
երկիրներ նուաճեց: Կրասոսին Պար-
թեացմէ յաղթուելէն ետքը՝ երբոր
Տիգրան արդէն ծերացած՝ ուղեց Պար-
սից Արշէլ թագաւորին հետ հաշտու-
թիւնը պահել, տուաւ անոր նախագա-
հութիւնը, զոր իր հայրն յախշտակեր
էր ՚ի Պարթեաց: Այսպէս միաբա-
նած երկու կողմանէ դունդ կազմեցին.
Տիգրան Բարզափրան Ռշտունեաց նա-
խարարը սպարապետ դրաւ, Արշէլ
ալ իր Բակուր որդին, և խաւրեցին ՚ի
փիւնիկէ, Ասորիք, ու Պաղեստին: Բայց
Տիգրան ասոր վրայ շատ չապրեցաւ և
85 տարուան մեռաւ 54 տարի թագա-
ւորելէն ետքը: Այս Տիգրան թագաւո-
րին արծաթ և պղինձ դրամներն կը
գտուին, ուր կը տեսնուի կտրիճ կեր-
պարանքն առանց մօրուաց:

ՎԵՆԵՏԻԿ

ՍՈՒՐԲ ԴԱԶԱՐՈՒ ՏՊԱՐԱՆԸ

ԱՐՏԱՇԷՍ Բ

Եթէ թագաւոր մը իր պարծանքը զօրութեան վրայ կամ աշխարհակալութեանց վրայ միայն կը դնէ, ոչ իր ազգին և ոչ օտարաց օգուտ կը գործէ, այլ խռովութիւն, կոտորած և աւերմունք. իսկ ընդ հակառակն թագաւոր մը որ զիտէ խաղաղութեամբ իր ժողովուրդը երջանկացընել, զիտէ իր տէրութիւնը ծաղկեցընել, զիտէ հանճարը յարգել և զիտութեանց ետէ կ'ըլլայ, ասոնք զինքը կ'անմահացընեն: Պատմութեանց մէջ այնպիսի ժամանակներ ոսկեղէն դար կ'անուանին, յորում ոչ միայն թագաւորին մեծութիւնը կ'ե.

րկայ, այլ նա և իր հպատակացը ձիրքերը. բայց զարձեալ թագաւորն է որ զիտէ այն հանճարները գործածել, իրենց ծառայութիւնը վարձատրել, և միանգամայն զինքը սիրելի ընել ամենուն: Այսպիսի թագաւորներէն մէկն կ'երևի մեր Արտաշէս Բ Արշակունին, որուն վրայ յայտնապէս կը տեսնենք աշխարհաշինութեան և իր ազգին յառաջադիմութեան մեծ սէր:

Արտաշէսի պատմութիւնը գրեթէ իր առաջին մանկական հասակէն կը սկսի. իր եղբարցը սպանուելու ատեն՝ ինքը Երուանդ բռնաւորին ձեռքէն փախաւ Պարսից երկիրը, և հոն իբրև որդի թագաւորի արքունեաց մէջ մեծցաւ: Սըմբատ Բագրատունւոյն խնամակալութեան տակ: Երուանդ երբ իմացաւ ետևէ եղաւ զինքը ձեռք բերելու. թէ Պարսից Դարնհ թագաւորին և թէ Սըմբատայ գրելով թէ մանուկը հարազատ Արշակունի չէ, և թէ ետ կենան այնպիսի խորհրդէն, և տղան իրեն խաւրեն. բայց խիստ պատասխաններ ընդունելով յուսահատած քաղաքները պատսպարեց, նոր քաղաք մը շինեց Երուանդա-

կերտ անուամբ և հոն իրեն մասնաւոր պալատ մը. որուն մէջ ծածուկ ճամբաներ շինել տուաւ, որպէս զի դաւաճանութեամբ ձեռք չիյնայ: Երբ Արտաշէս քսան տարուան եղաւ Պարսից թագաւորն ուղեց Սմբատը վարձատրել, իրեն ըրած ծառայութեանց համար, ուստի հարցուց թէ ինչ կը ցանկայ: Սմբատ իր միտքը յայտնեց, որ իրեն զօրք տայ և երթայ Արտաշէսը թագաւորեցընէ Հայոց վրայ: Թագաւորը հաւանեցաւ և տուաւ Սմբատայ զօրք և Երուանդայ վրայ խաւրեց: Երուանդ այս լսելով ժողովեց բոլոր զօրքերը և Սմբատայ բանակին վրայ դիմեց: Սմբատ վախ չունէր Երուանդէն. միայն Արգամ անունով հետևակ զօրաց զօրավարէն կը կասկածէր. վասն զի թէ ինքը քաջ մարդ էր և թէ իր գունդքն զօրաւոր էին: Անոր համար Արտաշէս մարդ խաւրեց համուզեց Արգամը որ իր կողմն անցնի: Երբ որ պատերազմը սկսաւ Արգամ ալ իր զօրքովը Արտաշէսի կողմն անցաւ. անոր նայելով ուրիշ նախարարներ ալ անցան. մինչև մութ պատերազմ շարունակեց. և երկու կողմանէ ալ սաս-

տիկ կոտրած կար, բայց վերջապէս
 Երուանդ յաղթուեցաւ և փախաւ իր
 քաղաքը: Այս պատերազմին մէջ քիչ
 մնաց որ Արտաշէս պիտի սպանուէր,
 եթէ իր դայեկին որդին Գիսակ զինքը
 չազատէր. Սմբատ մէկէն պզտի գնդով
 մը Երուանդոսայ ետևէն գնաց, և քաղքին
 դռները թող չտուաւ գոցել մինչև ե-
 կաւ Արտաշէս, մեռելները թաղել
 տուաւ, առաւ քաղաքը, և Երուանդը իր
 պալատանը մէջ սպաննեց:

Հայրենական երկրին տիրելէն ետև
 թագաւոր պսակուեցաւ Սմբատէն՝ Սա-
 նատրկոյ թագովը, և իրեն բոլոր բարե-
 րարքը վարձատրեց. առաջ Պարսից թա-
 գաւորին զօրքերը, և խաւրեց իրենց
 երկիրը. իսկ Արգամայ ինչպէս որ խոս-
 տացեր էր՝ երկրորդ գահը տուաւ, թոյլ
 տալով որ պսակ ալ զնէ զուխը և օ-
 ղեր կախէ, նոյնպէս իշխանութիւն ու-
 նենայ ոսկեղէն բաժակով խմել և ոս-
 կեղէն դգալ և պատառաքաղ գործա-
 ծել: Սմբատը բոլոր զօրաց սպարապետ
 դրաւ. Գիսակայ որդւոյն Ներսէսի ցե-
 ղը նախարարութեան կարգը անցուց
 Գիմարսեան կոչելով, իր հօրը երախ-

տեայը համար: Յետոյ Սմբատայ ձեռ-
 քով Երուանդայ եղբայրը Երուազ քըր-
 մապետը սպաննեց և իրեն քով գըտ-
 նուած գանձը Դարէհին խաւրեց ՚ի
 շնորհակալութիւն:

Արտաշէս ձեռք զարկաւ աշխարհա-
 շինութեան. նախ Արտաշատ քաղաքը
 նորոգեց Երասխ գետին քով, մէջը պա-
 լատներ շինեց և չորս կողմը նոր պա-
 րիսպ քաշեց, տաճարներ կանգնեց, և
 Երուանդակերտի բոլոր զարդերը հօն
 փոխադրեց և իրեն մայրաքաղաք ը-
 րաւ: Այս ատեններս Ալանք միաբա-
 նած ուրիշ բարբարոս ազգաց հետ Հա-
 յաստանի վրայ եկան. Արտաշէս դի-
 մացնին ելաւ իր Սմբատ սպարապետ-
 վը. կուր գետին քով սաստիկ պատե-
 րազ՝ եղաւ, և Ալանայ թագաւորին
 որդին զերի բռնուեցաւ. երբոր գիշե-
 րը վրայ հասաւ՝ Ալանք քաջուեցան գե-
 տին միւս կողմը, և Հայք անոնց ետևէն
 մինչև գետին եզերքը եկան: Ալանայ
 թագաւորն ուզեց հաշտութիւն ընել
 և դաշինքը հաստատուեցաւ այսպէս.
 որ Արտաշէս անոր որդին դարձընէ, ան
 ալ իր աղջիկը Արտաշէսի հարսնու-

Թեան տայ. այսպէսով պատերազմն
լինեցաւ, և Սաթիինիկ Ալանաց թագա-
ւորին ազլիկն Հայոց թագահի եղաւ:

Արտաշէս ետևէ եղաւ բոլոր Հայաստա-
նը բարգաւաճեցընել. անոր համար օ-
տար երկիրներէն գաղթականներ բերել
տուաւ, մշակութիւնը ծաղկեցուց, շի-
նեց աշտարակներ, կամուրջներ. նոյն-
պէս արուեստից դպրոցներ դրաւ. ետևէ
եղաւ աստղաբաշխական և ուսումնա-
կան գիտութիւններ ալ սորվեցընել:
Երկիրը խաղաղութեան մէջ էր, և բո-
լոր ժողովրդեան վրայ գործունէութիւն
մը եկեր էր. որով բոլոր շքակալ ազ-
գաց նախանձելի եղաւ Հայաստան, և
շատերը կու գային հոն բնակելու:

Արտաշէս Սաթիինիէն շատ զաւակ-
ներ ունեցաւ, որոնց անդրանիկն կը
կոչուէր Արտաւազդ. յետոյ Վրոյր, Տի-
րան, Մաթան, Զարեհ, և այլն: Արտա-
ւազդ բնութեամբ խրոխտ և փառասէր
անձ մ'ըլլալով, նախանձեցաւ Արգա-
մայ պատուոյն վրայ, ուստի միտքը դրաւ
որ անոր իշխանութիւնը առնու. անոր
համար հօրը ամբաստանեց իբր թէ կ'ու-
ղէ Արգամ թագաւորել: Արտաշէս չի-

մացաւ որդւոյն չարութիւնը, և մեծ
գժտութիւն ծագեցաւ իր և Արգամայ
մէջ. այս դէպքիս մէջ աղէկ երևեցաւ
Արգամայ վեհանձնութիւնը և հաւա-
տարմութիւնը. բայց վերջապէս Արտա-
ւազդայ կրիցը զոհ եղաւ ինքը և իրեն
ընտանիքն: Այս ատեններս Պարսկաս-
տան խռովութիւն կար թագաւորու-
թեան համար, վասն զի Արշակ չոր-
րորդ մեռնելով Արտաշէս անոր որդին
Արտաշէսը թագաւոր դրեր էր. բայց
Պարսիկը չհնազանդեցան անոր, այն ա-
տենը մեր Արտաշէսը խաւրեց զՄիբատ
և խռովութիւնը խաղաղուց և Արտա-
շէս Պարսիկը թագաւորեցուց:

Արտաւազդ Միբատայ վրայ ալ նա-
խանձեցաւ և ուզեց զօրաց սպարապե-
տութիւնը առնուլ. բայց այս անգա-
մուս Արտաշէս որդւոյն դէմ կեցաւ.
Միբատ երբոր տեսաւ այս գժտութիւնը
իր պատճառաւ, թողուց զօրավարու-
թիւնը և քաշուեցաւ Ասորեստանի կող-
մը. Արտաւազդ երբոր իր փափաքանա-
ցը հասաւ, մէկալ եղբայրները նախան-
ձեցան և մեծ հակառակութիւն բա-
ցուեցաւ. Արտաշէս խաղաղացընելու

համար ամբողջ զօրքը չորս մաս բաժնեց. արևելեան զօրքը տուաւ Արտաւազդայ ձեռքը, արևմտեանը Տիրանայ, հիւսիսայինը Զարեհի և հարաւայինը Սմբատայ. վրոյր որդին ալ տէրութեան գործոցը վրայ դրաւ և Մաժանը քրմապետ: Այս կարգաւորութիւնը ընելէն ետև՝ վստահացած որդւոցը քաջութեանը վրայ՝ չուզեց չձուլմայեցուց հարկը տալ. ան ատեն Տրայխանոս զօրք խաւրեց Հայոց վրայ: Անոնց դիմացը ելաւ Տիրան իր զօրքովը և յաղթուեցաւ. չձուլմայեցիք սկսան առաջ գալ. վրայ հասան Արտաւազգ և Զարեհ իրենց զօրքերովը, և հոն սաստիկ պատերազմ եղաւ, և քիչ մնաց որ դարձեալ պիտի յաղթուէին. բայց Սմբատ վրայ հասաւ, զօրաց ճակատը փոխեց, և քիչ ատենուան մէջ յաղթութիւնը ստացաւ և թշնամեաց սաստիկ կոտորած մը տուաւ: կոտորածէն ետև Հայք իրենց սահմանէն անդին անցան և արշաւեցին կապադովկացուց երկիրները:


Տրայխանոս ինքնին եկաւ Հայոց և ուրիշ ապստամբող տէրութեանց վրայ. այս անգամուս Արտաշէս սիրտ չըրաւ

պատերազմել, ուստի ընծաներով ընդ առաջ գնաց Տրայխանոս կայսեր և իրեն բարկութիւնը իջուց:

Երբոր Արտաշէս Պարսից երկիրը կ'երթար՝ ճամբան հիւանդացաւ և բըժիշկներէն ճար չգտնելով՝ յուսահատած դիմեց աստուածոց. բայց իր խաւրած նուէրքը գեռ տեղը չհասած՝ ինքը մեռաւ Մարանդ գաւառին մէջ: Բոլոր ժողովուրդը զինքը լացին իբրև հայր մը և իբրև իմաստուն թագաւոր մը. և իբրև սիրոյ նշան՝ շատերը ինքնանուէր իրենք զիրենք զոհեցին անոր գերեզմանին վրայ: Իր բոլոր կեանքը և գործը բանաստեղծից աշխոյժը բորբոքեց, և իբրև դիւցազն՝ ժողովրդեան բերանն էր երգերով: Արքայաւայել փառաւոր թագում մը տուին, ինչպէս որ կը նկարագրէ մեր պատմիչն իտրենացի: Թագաւորեց Արտաշէս ֆրիստոսի 88 թուականին, և 128ին մեռաւ իբրև 60 տարուան:

ՎԵՆԵՏԻԿ

ՍՈՒՐԲ ՂԱԶԱՐՈՒ ՏՊԱՐԱՆԸ



ԱՇԽԷՆ ՏԻԿԻՆ ՀԱՅՈՑ

Իրացրնէ Արշակունի թագուհեաց
մէջ՝ ամենէն առաքինին և միանգա-
մայն ամենէն արիասիրտներէն մէկն է
Աշխէն Տիկինն Հայոց, որ բարուցը հեռ
միացուցած էր նաև շնորհք մարմնոյ,
զեղեցկութիւն և վայելուչ հասակ,
միով բանիւ արժանաւոր՝ Տրդատայ մը
պէս թագաւորի:

Տրդատ ջախջախեր էր բոլոր Հայաս-
տանի թշնամիքը, երբ Ալանաց Աշխա-
ղար թագաւորին դուստրը Աշխէն,
լնդրեց իրեն կին. և այս բանիս հա-
մար ամենէն ազնուական նախարար-
ներէն մէկը՝ Սմբատ բազրատունին,

դեպքան զրկուեցաւ. որ ամեն բան շուտ մը յարմայնելով, փառօք բերաւ զԱշխէն առ Տրդատ, նախ հրամայեց Արշակունի գրել զԱշխէն, յետոյ ծիւրանի հազցընելով և թագով պսակելով, զինքը Հայոց թագուհի հռչակեց:

Երբ Տրդատ կռոց վրէժխնդիր արքայն Ս. Լուսաւորչի ձեռքով քրիստոսի լուծը ընդունեցաւ իր թագուհւոյն հետ, երկուքն մէկտեղ սկսան բոլոր Ազգին դարձը հողալ: Եկեղեցիներ շինեցին, վկայարաններ հաստատեցին. որոնց համար անձամբ կ'աշխատէր և ինքնին Աշխէն թագուհի, գերագոյն օրինակ մը տալով իր քրիստոնեայ սրբախն խոնարհութեանը: Եթէ հեթանոս ժամանակը առաքինի երևցեր էր, հիմա բուն գործով ալ կը ցուցընէր: Ասիկայ ալ բաւական չեղաւ իր օրտին փափագը լեցնելու, և Տրդատ թագաւորէն հրաման առնելով Գառնի քաղաքը քաշուեցաւ, զոր քիչ առաջ ամրացուցած էր Տրդատ, և հոն առանձին տեղ մը միայնացած, մեծաւ ճղնութեամբ և մեծագոյն զարմանօք բոլոր Հայաստանի իր սուրբ կեանքը կնքեց. որուն յի-

շատակը և տօնախմբութիւնը Հայաստանեայց եկեղեցին կը կատարէ Տրդատայ հետ, յունիս ամսոյն մէջ:

2870
41



ՎԵՆԵՏԻԿ

ՍՈՒՐԲ ԳԱՋԱՐՈՒ ՏՊԱՐԱՆԸ

703



Ս Ա Ք Ի Ն Ի Կ

Հայկական վիպասանութեան մէջ
 գուցէ չկայ աւելի դողարիկ յիշատակ
 մը քան զՍաթինկան, զեղեցիկ դրուագ
 կամ քերդուած ձևացընելու: Որչափ
 ալ մութ ըլլայ մեզ Ալանաց ծաղումը
 ու պատմութիւնը, սակայն այսչափս
 յայտնի է որ չեն այն խուժադուժ ազգե-
 րէն, որ կաւկասու շրջակայքը կը բնա-
 կին, և որ ստէպ մեր պատմութեանց մէջ
 յերևան կու գան, ինչպէս են Թաւա-
 պարք, Հեճմատակք, և ասոնց նման ու-
 ըիշ այլատարազ անուանք: Ալանք շատ
 հեղ կը կոչուին ազգ «Քաջայ և Ազեզ-
 նաւորաց» իրենց կտրճութեանը պատ-

ճառաւ : Բայց իրենք ալ ունէին իրենց արշաւանաց եղանակները և ժամանակները, հինօրէն կովկասու դռներէն անցնելով . այսպիսի դէպքով մը եղած է նաև Սաթիւնկայ վէպը :

Մեր Միջին Արտաշիսի գեղեցիկ աշխարհաշինութիւնքը, դաստակերտներ կառուցանելը, վիշապազանց՝ այս ինքն Սժդահակայ ցեղին հետ պատերազմներ մղելը, և անոնց որդւոց մէջ եղած զբժհութիւնքը՝ մանրամասնաբար չի պատմեր մեզի խորենացին, ըսելով՝ թէ « Յայտնի են քեզ ՚ի վիպասանացն, որ « պատմին ՚ի Գողթան » . սակայն ավստոս որ Գողթան նուազներն ալ լռեր անյայտացեր են : Արտաշէս իր փառաւորութեան օրերուն մէջ կ'երթայ հաստատելու իր բնակութիւնք ՚ի գետախառնունս Երասխայ և Մեծամօրի . և հոն ամրացընելով իր թագաւորական դահլը, և զինքը յապահովի կարծելու ժամանակ՝ յանկարծ Ալանք հիւսիսական լեռնցիներով կովկասու դռները կը բանան խուժելու ՚ի Հայաստան : Վրացիք և ուրիշ սահմանակիցք անզօրք՝ անձնատուր կ'ըլլան ինքնակամ :

Բայց Արտաշէս կը խմբէ իր զօրաց ամբողջը և կը ճակատի ընդդէմ Ալանաց քայաց : Կ'ընկերկին Ալանք և պարտութիւն յանձն կ'առնուն, թագաւորին որդին ալ գերի կը բռնուի : Այս յետին դիպուածով թագաւորին և ընտանեաց սիրտը կտորած՝ զօրքերուն ալ զէնքերը կը թուլնան : Ամենայն ինչ յանձն կ'առնու Ալանաց թագաւորը՝ որ միայն զօրդին ձեռք բերէ . բայց Արտաշէս աբիլլաական գոռոզութեամբ մը կը մերժէ ամենայն պաղատանք : Այն ատեն գերելոյն քոյրը օրիորդն Սաթիւնիկ՝ հոմերական քարոզից նման կու դայ թարգմաններով երկուց բանակաց մէջ տեղ, և այսպէս կը զրուցէ առ Արտաշէս իր լեզուովը, և թարգմանք կը թարգմանեն . « Քեզ ասեմ, այր քաջ Արտաշէս, որ « յաղթեցեր քաջ ազգին Ալանաց, եկ « հաւանեաց աշադեղոյ դատերս Ալանաց՝ տալ զպատանիդ . զի վասն միոյ « քինու ոչ է օրէն զիւցազանց զայլոց « զիւցազանց զարմից բառնալ զկեն . « դանութիւն, կամ ծառայեցուցանե . « լով և ՚ի սարկաց կարգի պահել, և թըշ « նամութիւն յաւիտենական ՚ի մէջ եր .

« կոցունց ազգաց քաջաց հաստատել » :
 Թագաւորն Արտաշէս քան 'ի գեղեցիկ
 իմաստից՝ աւելի 'ի գեղոյ օրիորդին
 յափշտակեալ՝ յանձն կ'առնու զամե-
 նայն դաշինս, միայն թէ զՍաթինիկ 'ի
 հարսնութիւն ածեն իրեն : Շատ աժան
 երևեցաւ Ալանաց թագաւորին այս փո-
 խանակութիւնը՝ « Եւ ուստի, կ'ըսէ,
 « տացէ քաջն Արտաշէս հազարս 'ի հա-
 « զարաց և բիւրս 'ի բիւրուց ընդ քաջազ-
 « զոյ կոյս օրիորդիս Ալանաց » : Հարս-
 նութեան օրը հասաւ, բամբուռնք կը
 նուագեն .

« Հեծաւ արի արքայն Արտաշէս ի սեան
 գեղեցիկ .

Եւ հանեալ զոսկէօղ շիկափոկ պարանն,
 Եւ անցեալ որպէս զարծուի սրածէ և ընդ գեանն,
 Եւ ձգեալ զոսկէօղ շիկափոկ պարանն՝
 Բնկէց ի մէջ օրիորդին Ալանաց .
 Եւ շատ ցաւեցոյց զմէջ փափուկ օրիորդին,
 Արագ հասուցանելով ի բանակն իւր » :

Այս սակաւատող երգս թերև ամբողջ
 դիւցազներգութեան մասն ըլլալով, և
 ամբողջ պարագաներն ալ ծանօթ չըլլա-
 լով մեզի՝ միթիւն է իմաստը . և խորե-
 նացին կը գոհանայ մեկնելով միայն
 « Ոսկէօղ շիկափոկ պարանը », թէ

« Քանզի պատուեալ է առ Ալանս մորթ
 « կարմիր, լայքա շատ և ոսկի բազում՝
 « տուեալ 'ի վարձանս, առնու զաիկին
 « օրիորդն Սաթինիկ » : Դարձեալ վի-
 պասանքն հարսին և փեսին կողմանէ
 առատաձեռնութիւնը նկարագրելով
 կ'երգեն . « Տեղ ոսկի տեղայր 'ի փեսա-
 յութեանն Արտաշիսի, Տեղայր մարգա-
 րիտ 'ի հարսնութեան Սաթինկան » :
 Այս հարսանեաց պատճառաւ միաբանե-
 ցան Ալանք և Հայք . մինչև յետ ժամա-
 նակաց երբ Ալանաց թագաւորն մեռ-
 նելով՝ բռնաւոր մը զլուխ քաշելով Սա-
 թինկայ եղբայրը հալածեց և բռնակա-
 լեց, Արտաշէս զրկեց յԱլանս իր քաջ
 սպարապետը Սմբատ, որ զբռնաւորն
 հալածեց վանեց, և Սաթինկայ եղբայ-
 րը նորէն առջի պատուոյն հասցունելով
 խաղաղացուց երկիրը :

Սաթինիկ շատ կտրիճ և հանճարեղ,
 քիչ մ'ալ անհանդարտ զաւակներ ու-
 նեցաւ յԱրտաշիսէ . որոնք նախ տէրու-
 թեան կառավարութեան և զօրավա-
 րութեան գործոց մասն, յետոյ երկքն
 թագաւորեցին հետ զհետէ . իր արքու-
 նեաց մէջ քրիստոնէութիւն ալ քարո-

զեցաւ, և ազգականներէն ոմանք հա-
ւատացին 'ի Գրիստոս, և յետոյ նահա-
տակեցան ալ. ասոնք են Ս. Սուքիա-
սանք. Սաթինիկ ալ չընդդիմացաւ քա-
րողութեանը, բայց հաւատալուն նշան
չկայ :

ՎԵՆԵՏԻԿ

ՍՈՒՐԲ ԴԱԶԱՐՈՒ ՏՊԱՐԱՆԸ





ԽՈՍՐՈՎԻԳՈՒԽՏ

ԽՈՍՐՈՎԻԳՈՒԽՏ

Երբ Արտաշիւր թագաւոր Պարսից՝
դաւաճանն կենաց խոսրովու, հասաւ
իր նպատակին սուսերամահ սպաննե-
լու Հայոց խոսրով թագաւորը, բազմու-
թիւնը նախարարաց դիմեցին Հռոմա-
յեցոց՝ օգնութիւն դտնելու. բայց Ար-
տաշիւր զանոնք ցիրուցան ըրաւ: Այս
կոտորածէն յուսահատեալ Հայք, ու-
մանը Հռովմայեցոց քով անցան, ու-
մանը ալ առանձին ամուր լերանց ա-
պաւինեցան. ասոնց մէջ էր նաև նախ-
արարն Օտա Ամատունեաց ցեղէն, որ
հետը ապրեցուցեր էր նաև զխոսրովե-
դուխտ՝ խոսրովու աղջիկը. իսկ ուրիշ

նախարար մ'ալ Արտաւազդ Մանգա-
կունի՝ առեր փախուցեր էր զՏրդատ՝
զորդին խոսրովու. ասով ապագայ թա-
գաւորն և թագուհին աստուածային
խնամով մը ազատեր էին այն արիւնը-
ռուշտ բռնաւորին ձեռքէն: Օտա խոս-
րովիդխտոյ հետ որջացեալ կը բնակէր
« Եբբե ՚ի կաղաղի հանդարտութեան », ¹
կ'ըսէ խորենացին, Անոյ ամուր բեր-
դին մէջ: Եբբ Արտաշիր կասկած առաւ
թէ նախարարացմէ մէկն ազատեր է
խոսրովու որդւոց մէկը, կատաղի մոլեգ-
նութեամբ մը հրամայեց որ տնով տե-
ղով ջնջեն այն նախարարին ճեար. իսկ
փախստականն Տրդատ օրէ օր համբաւ
ստանալով քաջագործութեամբք երևե-
լի կ'ըլլար ՚ի դրան կայսեր, մինչև մե-
ծագոյն յաղթութեամբ մը հայկական
և կայսերական զօրօք զիմեց ՚ի Հայաս-
տան: Մեծաշուք պատուով ընդ առաջ
ելան իրեն տեղացի Հայք և մեծ սիրով
ողջունեցին իրենց թագաւորը: Հոն զի-
րար կը գտնէին, կը գրկուէին քոյր և
եղբայր, Տրդատ և խոսրովիդուխտ: Տըր-
դատ ձեռք առաւ վարչութեան գաւա-
զանը՝ միաբանելով իրեն քրոջը հետ:

և զՕտա հազարապետ կարգեց Հայոց.
որոց երկուքին վրայ ալ այսպիսի դո-
վասանական տողերով կը խօսի մերս
Պատմահայրն և փերթողահայր. « Գտա-
նէ « (Տրդատ) զՕտա՝ սնուցեալ զքոյր
« իւր խոսրովիդուխտ, և պահեալ ըզ-
« գանձան ամրոցաւն հանդերձ՝ յոյժ եր-
« կայնմտութեամբ. քանզի էր արդարև
« համբեր, ժուժկալ և առաւել իմաս-
« տուն. զի թէպէտ և ոչ ծանեաւ ըզ-
« ճշմարտութիւն յաղագս Աստուծոյ,
« սակայն զստութիւն կուոցն զիտաց:
« Նոյնպէս էր և սան նորա խոսրովի-
« դուխտ, կուսան համեստ՝ որպէս զօ-
« լինաւոր ոք, և ոչ ամենևին ունել ան-
« դուռն բերան նման այլ կանանց¹ »:

Տրդատ, զից պաշտամամբը ուսեալ
և անոնց եռանդնամով՝ չէր ուզեր օտար
երևոյթ մը տեսնալ իր երկրին ու թա-
գաւորութեան մէջ. այս պատճառաւ
յեա բազում տանջանաց ՚ի վիրապն
ձգեց զԳրիգորիոս՝ որ ետքը աւելի պայ-
ծառացեալ երևայ Հայաստանի վրայ:
Յետ նահատակութեան Հռիփսիմեանց

1 Խոր. Բ. Զբ.

և Տրդատայ պատուհասելուն յԱստու-
ծոյ, հրեշտակ մը իրեք անգամ կըրկ-
նեց իր տեսիլքը խոսրովիդըխտոյ՝ քրոջն
Տրդատայ, « թէ ոչ այլ ինչ գոյ բժշկու-
« թիւն հարուածոցն՝ որ եկին հասին 'ի
« վերայ ձեր, եթէ ոչ յղեալիք դուք
« 'ի քաղաքն յԱրտաշատ, ածել անտի
« զկապեալն Գրիգորիոս. նա եկեալ
« ուսուցէ ձեզ զեղ ցաւոցն բժշկու-
« թեան¹ »: Վերջապէս զօրացաւ տես-
լեան պատգամը, և Գրիգորիոս յաղ-
թական և լուսապայծառ յերևան եկաւ
քրիստոնէութեան ջահովը. սկսաւ քա-
րողել և վարդապետել, յապաշխարու-
թիւն յորդորել և 'ի հաւատս ճշմար-
տութեան: Յետ լուսանորոգ վարդա-
պետութեանն՝ վասն Գրիստոսի նուի-
րեալ Հռիփսիմեանց մարմինքը իւրա-
քանչիւր տապանաց մէջ կ'ամփոփէին,
և խոսրովիդուխտ քոյր թագաւորին և
մայրն Աշխէն տիկին՝ « ըստ բրել բրո-
« զին՝ 'ի հանդերձս իւրեանց ընկալեալ
« զհոգն արտաքս պեղէին² »: Արքունիք

1 Ագաթ. Ի.

2 Անդ. ՃԶ.

բովանդակ քրիստոնեայ եղած՝ հրաշա-
լի տեսչութեամբ և ոչ թէ զինուց բըռ-
նութեամբ, ակնյայտնի սքանչելեօք և
ոչ կուրօրէն կամ առ երկիւղի սպառ-
նալեաց՝ կը պաշտէր զճշմարիտ խոր-
հուրդ երրորդութեան համակամ և հա-
ւատարիմ երկիւղածութեամբ: Այնկէ
վերջը կը թղթէր Տրդատ առ ամենայն
աշխարհքս, իմացունելու այս նորա-
սքանչ գործը՝ այսպիսի վաւերականաւ.
« Տրդատիոս թագաւոր, ամենայն զօ-
« րօք երկրիս Հայոց մեծաց, և Աշխէն
« Տիկին, և օրիորդ խոսրովիդուխտ¹ »:

Հասաւ այն գեղեցիկ վայրկեանը՝ յո-
րում պիտի ընդունէին քրիստոնէու-
թեան հաստատութեան կնիքը, զմկըր-
տութիւն. « Ի ընու կետին եղեղոյ պա-
« հոցն կատարելոյ, առեալ երանելոյն
« Գրիգորի զաշխարհաբանակն զօրացն,
« և զինքնին զթագաւորն, և զկին նորա
« Աշխէն, և զմեծ օրիորդն խոսրովի-
« դուխտ, և զմեծամեծան ամենայն, և
« ամենայն մարդկաւ բանակին ընդ ա-
« ռաւօտն լուսանալոյն յափն Եփրատ

1. Անդ. ՃԺԲ.


« գետոյն մատուցանէր, և անդէն մկրը-
« տէր առ հասարակ զամենեսեան յա-
« նուն Հօր և Որդւոյ և Հոգւոյն սրբոյ¹ » :


Յետոյ ուղեւով քրիստոնէական հաւա-
տոյն գերագոյն օրինակ մը տալ խօսորո-
վիդուխտ քաշուեցաւ առանձին Գառնի
քաղաքը և հոն կնքեց իր սուրբ կեանքը .
բնակելով գեղեցիկ գղեկի մը մէջ՝ զոր
եղբայրն Տրդատ անոր համար կանգնե-
ր, և որոյ աւերակաց մէկ մասն դեռ
մնալով կը հիացընէ զտեսողս :

1 Ս. գալթ. ճԺԸ.

ՎԵՆԵՏԻԿ

ՍՈՒՐԲ ՂԱԶԱՐՈՒ ՏՊԱՐԱՆԸ





Մ. ԽՈՐԵՆԱՅԻ

ՄՈՎՍԷՍ ԽՈՐԵՆԱՅԻ

Մեր ազգային մատենագրաց ամենէն երախտաւորն կըրնայ կոչուիլ Մ. Խորենացի . վասն զի ինքն է որ կը ճանչցընէ մեզի մեր նախահայրքը : Ամենարուեստ վարդապետ մ'է . պատմահարց աղբիւր , բանաստեղծութեան վառիչ , ճարտասանութեան օրինակ , աշխարհագրաց նախաչաւիղ , քերականաց առաջնորդ , թարգմանչաց պարագրուխ , երաժըշտապետ եկեղեցական երգոց , հմուտ 'ի բանասէրս , և նաև մարգարէ նախագուշակ : Սեփական կռչումն է քերթողահայր :

Ծնած է չորրորդ դարուն վերջերը

Մշոյ խորնի գեղը, ուսկից իր անունը առած է. և համարուի քեռորդի Սուրբ Մեսրովպայ և աշակերտ : Մովսէս ուսմանց սահմանեալ ընթացքը լմնցնելէն ետև զրկուեցաւ յԱնտիոք, Պաղեստին, Աղեքսանդրիա, Հռովմ, Աթէնք ու Բիւզանդիոն. այս ճամբորդութեանց մէջ շատ հմտութիւններ զանձեց իր սուր մտացը :

Յետ մահուան Ս. Սահակայ և Մեսրովպայ Մովսէս դարձաւ ՚ի Հայաստան, որոյ թագաւորութիւնն ալ վերցուած գտաւ : Աւանդութիւն մը կայ թէ ծածկելով իր ուլ ըլլալը՝ աղքատի և մուրացկանի պէս պտրտեցաւ ատեն մը. բայց Գիւտ կաթողիկոս ճանչնալով զինքը՝ Բագրևանդայ եպիսկոպոս օծեց : Ահա այս ժամանակէս վերջը կամ ալ առաջ՝ Սահակ Բագրատունի ասպետն ինդրեց իրմէ որ Հայոց պատմութիւն մը գրէ : Ծանր աշխատութիւն մ'էր այս. բայց որովհետև խորենացին արդէն շատ բան կարդացեր և քաղեր էր, յանձն առաւ, և ՚ի լոյս հանեց այն երևելի գործը՝ որով Հայք գիտեն իրենց նախնի իշխանաց շարքն ու պատմութիւն

նը : Ս.յս գրուածոյս յարգին վրայ խօսելն աւելորդ է, վասն զի ամեն գիտնական անձի ծանօթ է : իր Աշխարհագրութեան երկասիրութիւն մ'է՝ Եւրոպացւոց ոմանց քննութեան նիւթ եղաւ, իբրև թէ իրեն գրածն չըլլայ : Ասոր նման տարակոյսներ ելան Պիտոյից գրքիև վրայ, որ ճարտասանական ու իմաստասիրական անուանի աշխատութիւն մ'է : Ասոնցմէ զատ Մ. խորենացին մեծ մասն ունի հայկական թարգմանութեանց մէջ, ինչպէս որ ինքն ալ կը վկայէ. դարձեալ քանի մը վաւճուան ներբողներ ունի, Ս. Աստուածածնայ պատկերին պատմութիւնը, մարդարէական նամակ մը, շարականք. ուրիշ արձակ ու բանաստեղծական գործերն ձեռուրնիս չեն հասած :

Վերջապէս իր այսպիսի բազմավաստակ կեանքը կնքեց ՚ի Տարօն, ինչպէս կը կարծուի, Չենոնի կայսերութեան ժամանակ, ըստ ոմանց իբր 120 տարուան յարգոյ և սիրելի ըլլալով թէ բանասիրաց թէ ուամկին, միով բանիւ

բոլոր ազգին . որ զինքը սրբոց կարգը
դասեց , և իր յիշատակը կը տօնէ
Հայաստանեայց Եկեղեցին :

ՎԵՆԵՏԻԿ

ՍՈՒՐԲ ԳԱԶԱՐՈՒ ՏՊԱՐԱՆԸ

ՄԵԾՆ ՎԱՐԴԱՆ

Սյս անուամբ Հայոց պատմութեան
մէջ երկայն էջեր բռնող անձն՝ այնչափ
հռչակեալ է , այնչափ համբաւեալ յազ-
գիս , որ գրեթէ և 'ի սկզբանէ եղած
հայ զօրավարաց և իշխանաց մէջէն՝ ա-
մենասիրելին որ և է հայ սրտի , և ա-
մենէն աւելի պատուեալ և մեծարեալ ,
ըստ իւրում արժանաւորութեան :

Ինքն որդի էր Համազասպայ Մամի-
կոնէից աեառն , որ Հայոց սպարապետ
էր և երբեմն իշխանապետ , և կին ա-
ռած էր Մեծին սրբոյն Սահակայ Պար-
թևի դուստրը : Վարդան իր մանկու-
թեան գեղեցիկ և շահաւէտ օրերը երկու-

իրեն նման սիրուն ու գեղեցիկ հարա-
զատացը հետ, Հմայեկայ և Համազաս-
պենի, անցուցիր իմաստուն և աստուա-
ծարեալ պապուն՝ Ս. Սահակայ քով, որ
ամեն ջանքը ըրաւ զիրենք կրթելու, և
այնպէս խոր և հաստատուն տպաւորեց
արարչին սէրն և եռանդը անոնց փա-
փուկ և առոյգ սրտից մէջ. որ յետոյ
ածելով ու զարգանալով հարիւրապա-
տիկ ու հազարապատիկ արգասաբեր
եղան:

Մանկութեան ժամանակը այսպէս
օգտաւէտ անցունելէն ետքը, շատ
բարձր պատիւներու և աստիճաններու
արժանաւորեցաւ վարդան. իրեն բա-
րեբարոյ ձիրքերով, իմաստութեամբն
և քաջութեամբ: Նախ երբ սուրբն Սա-
հակ զինքը սրբոյն Մեսրոպայ հետ զըր-
կեց առ կայսրն, փոքրն թէոզոս, 'ի
կոստանդինուպօլիս՝ խնդրոյ մը հա-
մար, կայսրը զիրենք պատուով մե-
ծարելէն ետքը, վարդանայ ստրատե-
լատութեան պատիւ տուաւ երկու տա-
րի ետքը, երբ հաշտութեան համար
Պարսից դուռը գնաց Սմբատ ասպետին
հետ. վրամ թագաւոր զինք Մամիկո-

նէից տան իշխան դրաւ. նոյն իշխանու-
թիւնը յետոյ Յազկերտ թագաւորն ալ
կրկին հաստատեց յամի 442. և վեր-
ջապէս իր ազգէն ալ թագաւորի տե-
ղակալութեանը կամ արքունի տան
պահպանութեանը պաշտօնը ընդունե-
ցաւ, որ է ըսել քիչ ժամանակի մէջ,
թէ պատուով և թէ քաջութեամբ նոյն
ատենի ազգային և օտար նշանաւոր
զօրավարաց շատէն վեր անցաւ:

Ս.յս պատիւներն և մեծութիւնքն ոչ
միայն իրեն տոհմային ազնուութենէն
առաջ կու գային. որուն կողմանէ ալ
շատ բարձր աստիճան ունէր, այլ գրե-
թէ բոլոր իրեն քաջութեան և իմաս-
տութեանն արդիւնք էին: Վասն զի քա-
նի զօրավար կրնանք գտնել, ոչ միայն
նոյն ժամանակին, այլ և բովանդակ
պատմութեան մէջ, զօրավար՝ որ վար-
դանայ նման 42 մեծամեծ ճակատա-
մարտից մէջ մտած ըլլայ՝ և շատին յազ-
թանակած և շատն օտարաց ծառայու-
թեան մէջ ընելով, մանաւանդ Պար-
սից, որոց ոմանց թագաւորներն ալ ա-
կանատես եղած և զարմացած էին ա-
նոր քաջութեան և արթնութեան վրայ:

և անոր պիտանութիւնն ալ ըստ իմացած. ինչպէս յետոյ երբոր Յազկերտ թագաւոր չարեայապարտ վասակայ դատակնիք կը կտրէր, կ'օղբար ու կը ցաւէր բոլոր իր աշխարհին զօրաց և զօրավարաց կոտորածէն աւելի վարդանայ մահուան վրայ. ըսելով « թէ զայնպիսի քաջ և պիտանի և զվաստակաւորն մեր՝ զվարդան, կայսր և կամ Հոնաց արքայ բռնութեամբ յինէն հանել կամէին, ամենայն Արեաց ուժովս կռուէի. և չտայի հանգչել, մինչև այսրէն յիս հանէի »:

Բայց վարդանայ մեծահանճար ի մաստութեան և անյաղթելի զօրութեան ասպարէզներն աւելի իրեն կենաց վերջին օրերուն պահուած էին. յորում այն հանճարն և քաջութիւն՝ զոր մինչև ցայն վայր կերպով մը աւելի 'ի փառս ազգին և 'ի պատիւ անձին փայլեցուցեր էր, հարկ եղաւ անկէջ ետքը յօգուտ նորին և 'ի մեծագոյն շահ անձին գործածել, տեսնելով այն երկու մշտավառ ջահերը, զոր 'ի մանկութենէ խորարմատ 'ի սրտին բորբոքեր էր, սէր ճշմարիտ կրօնից և սէր ազգին. զրժ-

բախտութեամբ այն ատեն երկուքն ալ մէկ մեկէ աւելի վտանգի մէջ:

Վասն զի այն օրեր Պարսից Յազկերտ թագաւորն յամի 450, իւր տէրութեան մէջ եղած քրիստոնեայքը հալածելով, Հայոց ալ իր չար կամքը կը յայտնէր հրովարտակաւ և մեծամեծ սպառնալիքներով: Հայոց զխաւորք սրբազան Յովսէփ կաթողիկոսով մէկ տեղ ժողովեցան և հրովարտակին պատասխանը տուին՝ թագաւորին այնպիսի կամքը կատարելն անկարելի ցուցնելով: Ասոր վրայ զայրացած Յազկերտ՝ Հայոց զխաւորները դուռը կանչեց: Եւ թէպէտ հոն վարդան ամենուն բերնէն պատասխանատու եղաւ թագաւորին առջևը, և խելացի կերպով ցուցուց անոր՝ Հայոց վրայ ունեցած իշխանութեան սահմանը, իրենց հաւատարմութիւնը և երախտիքը. այլ 'ի վերայ այսր ամենայնի այն զիւաբախ դազան դարձած Յազկերտին քարացեալ սիրտը ուրիշ ճար չեղաւ զիջեցնելու բայց եթէ պզտի սխալման մը մէջ ընկնելով. ուրով դարձան իրենց հայրենիքը արտաքուստ իբրև արևապաշտ արևակէզ սևա-

ցեալ, դժբախտութեամբ ոմանց մինչև ներսերն ալ սնցած :

Իսկ վարդան՝ որ արդէն զիտէր և ի մացած էր կանուխ կատարուած գործոյն անարժանութիւնը, իր երկիրը դառնալուն պէս մէկէն կատարեալ նորոգմամբ քրիստոնէական կրօնից հաւատոյ, ուխտ ըրաւ հոգևոր հարց առջև, անկէց ետքը ինքը զինքը բոլորովին անոր պաշտպանութեան նուիրելու մինչև ցմահ, ինչպէս որ արդէն խորին նրբութեամբ մը Յագիկերտին առջևը զրուցած էր: Եւ այնպէս ալ ըրաւ. մոզերը Հայաստանէն հալածելով, ատրուշանները կործանելով, թշնամի գունդերը խորակելով և վերջապէս ինքը զինքը ալ Արտազու համաշխարհական քաղաքակրօն պատերազմին մէջ մեծ քաջութեամբ և ուրախ սրտիւ նուիրելով անոր ձեռքը, ուսկից կը յուսար և կը փափագէր առնուլ անթառամ պսակը որուն հասաւ իրեն գործակից քաջ, ուխտապահ և արժանաւոր կտրիճներով, զորս յայն հրաւիրեր էր՝ ըսելով, » Գունդ բազում հասեալ զայ, բերելով աստուածասիրաց պսակս երկնա-

ւորս, արդ որ դք ցանկայ առնուլ՝ աճապարեցէք՝ զի մի վրիպիցի դք և զղջանայցէ », զոր յօժարութեամբ լսած էին վաթսուն հազարի չափ ուխտապահ քաջք. որոնց մէջ մտած էին նաև երանելին Յովսէփ կաթողիկոս, եպիսկոպոսունք, քահանայք և բոլոր եկեղեցականք:

Մեծին վարդանայ սուրբ նշխարքը պատերազմէն վերջ Մամիկոնեանց հաւատարիմ ուխտապահք վերցուցին, և յետոյ ասդիս անդին ցրուեցին՝ ի հաւատացեալս: Վարդան որովհետև արուզաւակ չէր թողած, Մամիկոնեանց իշխանութիւնը իւր Հմայեակ եղբոր մնաց՝ որ մեծ պատերազմէն անվտանգ ազատած էր. այլ քիչ մը վերջը ինքն ալ նոյնպէս հաւատոյ մարտի մէջ նահատակեցաւ. և անցաւ վարդանանց նահատակաց թիւը, որոնց յիշատակը ամեն մէկ տեղ կը տօնէ Հայոց եկեղեցին երգելով և փառաբանութեամբ:

ՎԵՆԵՏԻԿ

ՍՈՒՐԲ ՂԱԶԱՐՈՒ ՏՊԱՐԱՆԸ

ԳՍՅԼ ՎՊՀՍՆ ՄՍՄԻԿՈՆԵՍՆ

Ս,յս երևելի անձն՝ այն մարդիկներէն
մէկն է, որոնք ոչ միայն քաջութեամբ
այլ և սրամիտ ու յանդուգն խորագի-
տութեամբ յաջողեցան :

Գալլ մականունը, որ նոյն ժամանա-
կի մարդիկն իրեն տուեր են, յայտնա-
պէս կը ցուցընէ ինչ բարուց տէր ըլլա-
լը. այսինքն, անդըրդուելի վայրագու-
թեան, կամ լաւ ևս ըսեմ զայլանման
կտրճութեան հետ՝ ազուիտու հնարա-
գիտութիւն: Բայց ունէր նա և գեղեցիկ
կրօնասիրութիւն մը. և հայրենեաց վրայ
պատերազմելու ժամանակ՝ միանգա-
մայն պաշտպան և վրէժխնդիր էր սուրբ

հաւատոյ: Մուշեղայ Մամիկոնեան գօրավարին ընտրութիւնն ալ կը վկայէ մեր Գայլ վահանին նշանաւոր ըլլալը: Վասն զի երբ այս մեծանուն զօրավարս, յաղթանակաց ու առաքինութեանց փառքովը ծերացած, խաղաղութեամբ կը հանգչէր իր Տարօն գաւառը, խոսրով Բ. Պարսից թագաւորն Յունաց փոկաս կայսեր դէմ երթալով, զեսպան զրկեց Մուշեղայ՝ իրեն օգնութեան գալու, զիտնալով առաջուց անոր քաջութիւնը: Մուշեղ դանդաղեցաւ երթալու, վասն զի անիրաւութիւն մը կրեր էր խոսրով թագաւորէն. բայց չերթալն նորէն սաստիկ բարկութեամբ և սպառնալեօք լցուց զխոսրով. որ երբ յաղթական դարձաւ Յունաց աշխարհքէն, իր Միհրան քեռորդին 10,000 զօրքով Տարօն զրկեց (604). պատուէր տալով որ զերկիրը թալլէ, և անոր տէրն ալ շղթայակապ իրեն բերէ: Ծեր առիւծն Մուշեղ, իր արթուն աչքերը դարձուց բնիկ հայրենական գաւառին վրայ, փնտռելու իրեն համբաւոյն և արութեանցը արժանաւոր յաջորդ կորիւն մը, և գտաւ զԳայլն վահան. որուն

յանձնեց (604) ոչ միայն Պարսից հետ պատերազմիլը, այլ և բոլոր Տարօնոյ իշխանութիւնը իրեն և իր յաջորդացը թողուց, վասն զի ինքը անզաւակ էր:

Միհրան անցնելով Հաշտենից գաւառը, հասեր էր մինչև Արձան լեռը, ուր թողուց 2,000 մարդ, փախչողները բռնելու համար. անկէ իջաւ 'ի Տարօն, և գալով 'ի Մեղաի, մարդ զրկեց Աստղօն ամրոցին վրայ. ասոնք հոն իննակեան վանքին քով Եօթն խոտածարակ ըսուած ճգնաւորները նահատակեցին. և վերջէն բոլոր բանակովը ինքը Միհրան ալ դէպ 'ի Աստղօն ճամբայ ընկաւ: Ան ատեն նորընտիր տէրն Տարօնոյ խորամանկն վահան, չուզելով իրեն հպատակներուն և ոչ մէկուն կենացը ֆիսաս հասցընել, կեղծեօք խաղաղութիւն խնդրեց Պարսիկ զօրավարէն: Միհրան իրեն թագաւորին պատուէրը անոր առջև դրաւ, որ էր Մուշեղայ գերութիւնը: վահան անոր ուղածը խոստացաւ կատարել, պայմանաւ որ Տարօն գաւառը ձեռքէն չառնուն. որուն Միհրան հաւանեցաւ: Ան ատեն Գայլն վահան շտապաւ փութաց եր-

Թալու Օձ ըստած քաղաքը, և հոն՝
ինչպէս որ մտածեր էր, ամենայն ինչ
կարգի դնելէն վերջը, գնաց առ Միհ-
րան, որ նոյն ատենը Մուշ աւանն էր.
և հաւանեցուց զինքը որ իր զօրքերէն
4000 հոգի տայ իրեն, որոնցմով ոչ
միայն Մուշեղայ բարեկամները, այլ և
զինքն իսկ զՄուշեղ կապած իրեն առ-
ջը բերէ: Միհրան խաբուելով, 4000
զօրք յանձնեց անոր ձեռքը. զորոնք
առնելով վահան՝ իջաւ խարձ ըստած
գեղը, և անոնցմէ հոն 50 հոգի թո-
ղուց, պատուիրելով որ երբ իրենց մարդ
խաւրէ՝ իր նշանովը, երթան առ Միհ-
րան, և ուրիշ 2000 զօրք ալ բերեն Օձ
քաղաքը: Մնացած գնդովը երբ հասաւ
Օձի մօտ, հրաման տուաւ անոնց, որ
իրեն ետևէն խաղաղութեամբ քաղա-
քը մտնեն, ներսէն զինուած, և նշան
տալու ժամանակ սկսին անխնայ սպան-
նել քաղաքացիները: Երբոր Օձի դռնէն
ներս մտան, Գայլն վահան զանոնք մէ-
կիկ մէկիկ առանձին տուներ բաժնեց,
ուր տեղ՝ դարանամուտ կտրիճ մարդիկ
ներ կը սպասէին, և Պարսից զօրքերէն
որոնք որ ներս կը մտնէին, անձայն կը

խողէին: Այս կերպով բոլոր բերած
գունդը շարդեց վահան: Յետոյ իր հա-
ւատարիմ ծառաներէն մէկը խաւրեց
այն յիսուն մարդկանց, որոնք խարձ
գեղը կը սպասէին. որպէս զի 2000 զօրք
Միհրանէն երթան բերեն: Ասոնք դեռ
չեկած, սպաննուած Պարսիկներուն
զգեստները՝ Հայոց հագցընել տալով,
քաղքին դուռը կեցընել տուաւ. և
պատուիրեց, որ երբ բուն Պարսից
գունդը հասնի, յաղթական փողերը
զարնելով ներս մտնեն: Հրամայածին
պէս ըրին. բայց Պարսից զօրքը ներս
դեռ չմտած, անոնցմէ քսան հոգի իբրև
քաղաքին առման աւետաւոր՝ առ Միհ-
րան զրկեց վահան. իսկ մէկաշունք
անկասկած փողոցներուն մէջ մտնե-
լու ատեն, ծածուկ զրահաւորուած
մարդիկներէն կը սպանուէին, և վահան
ալ ճամբաները բռնած էր իրեննե-
րով, որպէս զի չըլլայ թէ մէկը փախչե-
լով՝ Միհրանայ իմաց տայ եղածը. և
յիրաւի այս բաղդին մէկ հոգի մ'ալ
չհանդիպցուց:

Այս յաջողութիւններէն վերջը, վա-
հան 800 Հայազգի կտրիճներ առած՝ Օձ

քաղքէն ելլալով, անոնցմէ 400ը Մեղ-
տեայ ճամբուն վրայ թողուց. 200ը
Ծծմակ ըսուած տեղը դարանի կեցուց,
և միւս 200ն ալ իրեն հետ առնելով՝
գնաց առ Միհրան 'ի Մուշ աւանը. և
դանդատ ըրաւ՝ որ իրմէ առած զօրքե-
րը 0ձ քաղքին տիրելէն ետքը, զինքը
չթողուցին որ ներս մտնէ, և կողոպու-
տէն ալ իրեն մաս մը չհանեցին. և ես
գրեթէ հիմակ փախստականի մը պէս
քեզի եկայ: Այս երբոր լսեց Միհրան՝
բարկացաւ, և 2000 զօրք տուաւ նորէն
իր ձեռքը, որ երթայ ապստամբները
նուածէ: Ճամբայ ելաւ վահան, և Մեղ-
տեայ գետը հասնելուն պէս, անոնցմէ
1000ը արձըկեց գէպ 'ի Ծծմակը, ի-
րեն հաւատարիմ մարդիկներէն հարիւր
հոգի առաջնորդ տալով անոնց: Իսկ
ինքը իրեն հարիւրովը՝ առաւ այն մնա-
ցած Պարսից 1000ը և Մեղտեայ գետը
անցնելով, հոն դաշտին վրայ թողուց
զիրենք որ յանհոգս հանգիստ առնուն,
որովհետև սաստիկ ալ յոգներ էին, և
քնացան: Այսպէս երբոր խոր կը մրա-
փէին, յանկարծ վահանին նշան տա-
լովը, իրեն հաւատարիմ համազգիներ.

ըը պատերազմական փողերը հնչեցու-
ցին, որոնց ձայնէն բազմութիւն Հա-
յոց, դարանէն ելլելով, բոլոր Պարսից
գունդը թրէ անցուցին: Այս գործս ալ
լմնցընելէն ետքը, փութաց վահան և
շուտով մը անցաւ 'ի Ծծմակ՝ և հոն դա-
րանի մտաւ. վասն զի մէկալ Պարսից
զօրաց առաջնորդներուն պատուիրեր
էր՝ որ երկայն ճամբաներով զանոնք նոյն
տեղը բերեն, և հանգիստ տան: Որոնք
երբոր առջիններուն պէս միամիտ կե-
ցեր էին, նոյն պատժոյն և նոյն կոտո-
րածին հանդիպեցան: Երկու իրեք օ-
րէն վերջը, դեսպան զրկեց Գայն վա-
հան առ Միհրան, որ ամենայն ինչ
լմնցաւ, և ահա բոլոր զօրքերդ յաղթա-
նակաւ վաղըքեզի կու գան: Այս իմացը-
նելով, ինքը նոյն օրը գնաց հարիւր հու-
գիով առ Միհրան, քիչ մը հիւանդ գըտ-
նալով զինքը մխիթարեց, և ըսաւ թէ
վաղը Մուշկը չըթայակապ առջևդ պի-
տի գայ: Յետոյ պատճառելով իբր թէ
ծածուկ բան մը ունի խօսելու Միհրա-
նայ հետ, քովի մարդիկները դուրս հա-
նել տուաւ, և հոն տէգով զարկաւ զին-
քը և սպաննեց առանց ճիկ մը հանել

տալու: վերջը Միհրանին ատենադը-
պիրը կանչելով, անոր կողմանէ թուղթ
մը գրել տուաւ Ապահունեաց վարչի
անունով Պարսիկ կուսակալին, որ ե-
րեք օրէն 3000 զօրքով կուլթ ըսուած
ձորին քովի բլուրը գայ: Յետոյ հնա-
րագիտութեամբ զատենագպիրը և ու-
րիշ քանի մը երևելի իշխաններ ալ ծա-
ծուկ սպաննելով, գնաց Միհրանայ նախ-
արարներուն, որոնք նոյն ժամանակը
առանձին տան մը մէջ խնջոյք կը կա-
տարէին. և դուռը վրանին փակելով,
կրակ տուաւ շէնքին և զամենքն ալ այ-
րեց: Յետոյ շտապելով գիմեց կուլթ լե-
ռը, և հոն կանգնեց Միհրանայ վրանը,
իր զօրքերը դարանի դրաւ, և հագուե-
ցուց նաև Հայոց՝ Պարսից իշխաններուն
և անոնց ծառայից զգետոր, և բանա-
կէն դուրս կեցուց՝ եկող զօրավարը խա-
բելու համար: Երբոր վարչիւր լերան
ստորոտը հասաւ, թողուց հոն իր զօր-
քերը, և ելաւ ինքը լեռը, կարծելով որ
Միհրան հոն է: Վրանէն ներս մտնե-
լուն պէս զանիկայ բռնել տուաւ վա-
հան. նա սկսաւ աղաչել որ գոնէ կենացը
խնայէ: Վահան խոստացաւ զինքը կեն-

զանի պահել, եթէ իր ըսածը կատա-
րէ: Եւ գրել տուաւ անոր ձեռքովը այն
գլխաւորին որ վարը բանակը թողուցեր
էր իրեն տեղը՝ այսպէս, թէ վաղը զըր-
կես 1000 մարդ լերան ոտքին հիւսի-
սային կողմը, և 1000 հոգի ալ ձորին
մօտ, և մնացած 1600ը հոն թողուս, և
դու ալ տասը հոգուով ինծի գաս: Գլխա-
ւորը ըստ հրամանին ճիշդ ամեն բան կա-
տարեց, և ինքն ալ տասը հոգուով եկաւ
առ Միհրան. զորոնք վահան սպաննելէն
վերջը, վարչիւր զօրավարին ալ ծանր
յանդիմանութիւն մը տալով խեղդել
տուաւ: Իսկ Պարսից զօրքերը որ ասդիս
անդին բաժնել տուեր ու ցրուեր էր, ա-
ռաջուց դրած դարանամուտներէն թրէ
անցան, և հազիւ 40 հոգի միայն ազատե-
լով՝ փախան գացին այս ամեն արկած-
ները պատմեցին խոսրով թագաւորին:
Խոսրով ասոնք լսելով զարմացաւ.
բայց իր ոխը աւելի ևս զայրանալով ու-
զեց կրկին վրէժ առնուլ վահանէն. ուս-
տի շատ զօրքով զվախտանգ Միհրա-
նայ հօրեղբայրը՝ զրկեց անոր վրայ:
Այս նոր զօրավարս՝ երբ Տարօնայ ծայ-
րը հասաւ, շատ հաւնելով այն կողմն-

րուն՝ շէնքեր և ամրոցներ շինեց հոն և քաղաքները նորոգեց: Իսկ վահան լըսելով վախտանգայ գալուստը ամենեկին չչփոթեցաւ, և խորամանկութիւնը, որ իրեն առջի զէնքն էր, ձեռք առնելով, տեղեկացաւ Պարսից զօրաց բանակին զօրութիւնը և կարգը. յետոյ ծածուկ կերպով քովի գաւառներուն իշխաններէն շատերը իրեն կողմը ձգելով, մինչդեռ վախտանգ կը կարծէր որ երկչոտ և անգործ կեցեր է վահան, ինքը աւոնցմով զօրաւոր բանակ մը կազմեց: Վախտանգ դեսպան զրկեց իրեն, որ գայ հնազանդի թագաւորին. սակայն վահանայ խիստ պատասխանը զգօրազուխը սրդողջընելով, հարկ եղաւ որ իրեն դէմ զրկէ 4000 զօրք, որոնք չարաչար զարնուելով վահանայ հետ, իրենց զօրավարովը կոտորուեցան, և 50 հոգի՝ վահանայ թող տալովը՝ փախան ու վախտանգայ պատմեցին զժբաղդութիւնը. որ սաստիկ բարկութենէն այն 50 հոգին ալ ինքն սպաննեց, և Ասուր անունով յոխորտ զօրավարը 500 քաջ և կրթուած զօրքով զրկեց վահանայ վրայ: Սա երբ եկաւ և ճակատեցաւ,

572

նախատել սկսաւ զԳայլ վահանը. որուն չհամբերելով Հայ զօրավարն հանձարեղ և ահաւոր նենգութեամբ մը՝ ոչ միայն յաղթութիւնը յափշտակեց, այլ և զԱսուր և անոր որդին պատերազմի մէջ չարաչար սպաննեց: Կուէս վերջը՝ մեծ վախ մը ձգելով վախտանգայ սիրտը, դարձաւ Գայլն վահան՝ ի Մուշ, ուր քիչ ատենէն հիւանդանալով մեռաւ (607). իր տեղը թողլով քաջ որդին Սմբատը, որ թէ և հօրը խորագիտութիւնը չունէր, բայց դուրէ աւելի քաջ էր:

Վահանայ ամեն ըրածները չենք կըրնար գովել, և ոչ ստուգութեանը վրայ չտարակուսիլ, այլ բոլորովին անհիմն չըլլալուն ալ վկայ է իր Գայլ մականունն:

ՎԵՆԵՏԻԿ

ՍՈՒՐԲ ՂԱԶԱՐՈՒ ՏՊԱՐԱՆԸ

ԱՆԱՆԻԱ ՇԻՐԱԿԱՅԻ

Մեր ազգային մատենագրութեան մէջ կը գտնենք յեօթներորդ դարու՝ իմաստասիրական և ուսումնական գրուածոց հեղինակ մը, որ՝ թուաբանական և համարողական գիտութեանց գուցէ իրեն հաւասարող չէ ունեցած յազգիս, թերևս և յօտարս իր ժամանակին։ Սա է Անանիա Շիրակացի կամ Շիրակուանցի. որ ՚ի տղայութեան՝ ինչպէս պատմութիւնն կ'աւանդէ, ուսմանց և նորանոր գիտութեանց սաստիկ սէր ունենալով՝ զարմանալի յաջողութեամբ բարոյական և սուրբ գրոց գիտութիւնը ստանալով, արտաքին գիտութեանց

ալ ուղեց պարապիլ, և մասնաւոր թուաբանական գիտութեանց, որուն վրայ աւելի սէր ունէր. ինչպէս ինքն իսկ իր վարուց պատմութեանը մէջ կը գրուցէ. « Թուաբանական գիտութիւնք են մայր ամենայն իմաստից »: Սկսաւ այս ուսման իրեն առաջնորդող մը փնտռել. բայց գժբաղդաբար այն ժամանակ Հայաստանի մէջ այսպիսի գիտութեանց ոչ գրուածք կար և ոչ ալ ուսուցիչ: Չի յուսահատեցաւ Մնանիա, այլ երկար ճամբորդութեամբ իր նպատակին գիմեց. նախ կարնոյ քաղաքը գնաց. հոն ալ ուղածը չգտնելով, ելաւ գնաց ՚ի Կոստանդնուպօլիս: Հոն իր բարեկամները խորհուրդ տուին որ երթայ ՚ի Տրապիզոն, ուր Տիւբրիկոս անուամբ բաղմահմուտ մարդ մը կար: Ուրախութեամբ ելաւ դէպ ուղիղ գնաց առ Տիւբրիկոս, և սիրով ընդունելութիւն գտնելով, սկսաւ այնուհետև անխոնջ ջանիւ համարողական ուսմանց պարապիլ, և հելլենական իմաստասիրութեան և ճարտասանութեան հմտանալ: Ութ տարի շարունակ այս ամեն գիտութիւնները ամբարեւելն վերջը՝ իր հմուտ

վարդապետին և սիրելի հասակակից աշակերտակցաց յետին հրաժարական ողջոյնը տալով, դարձաւ եկաւ ՚ի Հայաստան, իր սորված գիտութիւնները տարածելու: Բայց ինչպէս միտքը դրած էր՝ այնպէս գլուխ չեղաւ իր սրտին փափաքը: Վասն զի կ'ըսէ. « Ոչ որ եղև շնորհակալ իմոյ աշխատութեանս. զի ոչ սիրեն Հայքս իմաստ կամ գիտութիւն, այլ ծոյքը են և ձանձրացողք »: Բայց այսու ամենայնիւ ունեցաւ հաւատարիմ աշակերտներ, որոնք մեծապէս օգտուեցան իր գիտութենէն. ասոնցմէ անուամբ յիշատակեալներն են, Հերման, Տրդատ, Աղաբիա, Եղեկիէլ և Կիրակոս:

Մնանիա Շիրակացին ձեռք զարկաւ ամեն գիտութեանց վրայ գրելու. ինչպէս ճարտասանութեան և փիլիսոփայութեան և աւելի թուաբանական գիտութեանց. գրեց նաև վարդապետական ճառեր և ընտիր շարականներ, զոր կ'երգէ փռաւորապէս Հայաստանեայց եկեղեցին:

Շիրակացոյն գլխաւոր երկասիրութիւնն կը սեպուի իր աստեղաբաշխու-

Թեան գիրքն. երկընքի վրայ խօսելով,
 հին իմաստասիրաց այլ և այլ ունեցած
 կարծիքները մէջ կը բերէ. դաւնալով
 երկրիս և ծովու վրայ՝ մանրամասնա-
 բար կը խօսի, ընդհանրապէս սրբոյն
 Բարողի հետեւելով. և թէպէտ սխալ
 կամ հակառակ դրութիւններ ալ ունի,
 ըստ կարծեաց ժամանակին, այլ և շատ
 ուղիղ տեսութիւններ:

Ուրիշ ընտիր և օգտակար երկասի-
 րութիւններ ունինք՝ Շիրակացոյն ա-
 նուամբ, ինչպէս են Ժամանակագրու-
 թիւնք, և Յաղագս չափուց և Կշռոց
 կոչուած դիրքը, որուն մէջ սուրբ Գրոց
 մէջ յիշուած չափուց և կշռոց համա-
 ոօտ մեկնաբանութիւն կ'ընէ: Ուրիշ
 գրուածներ ալ կան իրեն անուամբ,
 բայց ոմանք երկբայական են, ոմանք
 ալ յայտնապէս իրենք չեն:

ՎԵՆԵՏԻԿ

ՍՈՒՐԲ ԳՁԱՐՈՒ ՏՊԱՐԱՆԸ

ՆԵՐՍԷ Հ ԿՍՄՍԱՐԱԿՍՆ

Վարդանանց նահատակութենէն ետ-
 քը՝ Պարսկաստան գերի դացող Հայ
 նախարարաց մէջ ամենէն նշանաւորն
 էր Արշաւիր կամաարական, վարդանայ
 փեսայն. իր խոհեմութեանն համար՝
 այլ և այլ նուիրակութեանց զրկուած
 էր՝ ի Յունաստան և ի Պարսկաստան,
 և այս յետին բանտարդելութեան ժա-
 մանակն ալ Արշաւիր բոլոր նախարա-
 րաց բերան էր: Միայն Հայերն չէին
 զինքը սիրողներ, հապանակ Պարսիկք,
 Պերոզ թագաւորն ու մանաւանդ իր
 դայեկորդին Յզատվնասպ՝ որ ըստ վը-
 կայութեան պատմըլին՝ կը սիրէր զԱր-

չաւիր՝ ինչպէս Յովնաթան զԴաւիթ, և այս առաքելնի սէրը պատճառ եղաւ զերկրոց ազատութեան: Վասն զի Յզատ վըշնասպ միջնորդ ըլլալով ազատեց զԱրշաւիր և անոր հետ բոլոր նախարարները: Այսպիսի առաքելնի հօր մը որդի էր Ներսէհ, ունէր իրեն նման երկու եղբայր ալ. յորոց մէկը մանաւանդ կարծես իր էութենէն տարբեր չէր ըմբռներ, և միշտ սիրելի բառով կը յիշուին. « Ներսէհ և սիրելի եղբայր նորին Հրահատ »: Ներսէհ որ ՚ի մանկութենէ իր հօրմէն և ժամանակին հանդամանքներէն, կրօնքէն և ազգէն զատուրիչ սգի չէր ծծած, տեսնալով որ մեծն Վահան Մամիկոնեան կ'ուզէ Պարսից անիրաւ լուծը թօթափել, օգնեց անոր, և իր եղբօրը հետ մէկտեղ առաջին նիգակակից եղաւ. այնպէս որ եթէ գտնուէին բանակին մէջ երկու սիրելի եղբարքն, յաղթութիւնն ապահով էր:

Առաջին անգամ ուխտապահ նախարարը զարնուեցան Պարսից հետ վարադ կերտ գեղը. ուր Ատրվշնասպ մեծ բազմութեամբ բանակեր էր. Հայոց կողմանէ կը զօրավարէր Վասակ սեպուհ

Վահանայ եղբայրն, որ սակաւաթիւ զօրքը երկու բաժնեց, և մէջ տեղը դրաւ « գրաջն և զընտիր զիշխանն Շիրակայ Ներսէհ », որպէս զի որ կողմն որ տկարանայ՝ օգնութեան հասնի: Անհնարին է բացատրել Ներսէհի քաջագործութիւնը. արծուի մը պէս սլացաւ խառնակեց շփոթեց Պարսից շարքը, ցրուեց թշնամին, ճամբայ բացաւ նախարարներուն և յաղթութիւնը կատարեց: Պարսիկը ամբչցած այսպիսի պղտիկ գնդէ մը յաղթուելուն գարնան սկիզբը մեծ բանակով դարձան ՚ի Հայաստան երևելի զօրավարներով: Վահան որուն նոր օգնական նախարարը ալ հասեր էին, գնաց այն գեղը որ յետոյ Ներսէհի արութեանցը համար Ներսէհապատ պիտի կոչուէր. հոն Յովհան Մանգակունի կաթողիկոսին օրհնութիւնը առնելով՝ Վահան երկու բաժնեց գունդը, և իրեն հետ առաւ ձախ թեկն մէջ « ուխտասէր կամարականքն »: Սաստիկ եղաւ պատերազմն. Հայոց մեծ մասը Պարսից բազմութենէն յուսահատած՝ սկսան փախչիլ, և նոյնպէս կը յորդորէին զՎահան ալ: Բայց անիկայ

սաստեց, և հետն առնըլով երկու կտրիճ կամնարականքը՝ նետուեցաւ թէնա մեաց մէջ: Ներսեհ յառաջեց մինչև Պարսից բանակին բունը, ուր կը զօրաւ վարէր Ատրվնասայ, և երկար ատեն մրցելէն վերջը, զարկաւ ձգեց այն հըսկայ մարդը, և դեռ կը շարունակէր ջարդը՝ եթէ չսէր վահանայ փողը: Դարձաւ Ներսեհ և գտաւ վահանայ հետ իր Հրահատ եղբայրը՝ որոնք փախըստականները կը հալածէին, և միաբան դարձան առ կաթողիկոսն: Ասկէ վերջը այլ և այլ անգամ Ներսեհ առանձին զարնուեցաւ Պարսից գնդերու հետ, մինչև անոնք կուէն և եղանակէն ալ ստիպուած՝ դարձան իրենց կրակներուն:

Հաղիւ Հայք քիչ մը ոգի առեր էին՝ երբ վախտանգ վրաց թագաւորն՝ խաբէութեամբ Հայերը կանչեց իր երկիրը: Բայց երբ յանկարծ Պարսիկք ալ վրայ հասան՝ ինքը թողուց փախաւ: Թէպէտ Հայոցմէ ալ շատերը քաշուեցան, բայց որովհետև կտրիճները հոն էին՝ պատերազմը խառնուեցաւ: Երկու կողմէն ալ մեծամեծ կորուստք եղան. Հայոցմէ ընկան վասակ սեպուհ մամի,

կոնեան ու Սահակ ասպետ Հայոց մարդպանն, իսկ գերիներուն մէջ էր նաև Հրահատ:

Երկուսն էր երբ ետ քաշուեցան բանակքն. Ներսեհի աշուրներն ամեն դէ կը փնտուէին իր ցանկալի եղբայրը. ամեն կողմ խնդրակք դացին. և երբ չգտուեցաւ՝ Ներսեհ իմացաւ եղածը. ընկաւ, թալկացաւ. և այն կտրիճ առիւծը տղու մը պէս սկսաւ լալ: Իր եղբորը բռնուելէն վերջը կ'ըսէ պատմիչն, ոչ անկողին մտաւ և ոչ առանց դառնութեան բերանը հաց դրաւ: Վերջապէս ճամբայ ելաւ, միտքը դրած՝ կամ յանկարծակիի բռնելով Պարսիկները՝ եղբայրը ազատել, և կամ քաշութեամբ մեռնիլ: Ամենքը վահանէն սկսեալ իրեն ողբակից էին, և շատերն ետևէն կ'երթային:

Ճամբան Ս. Լուսաւորչին մատուռ մը հասնելով՝ ընկաւ գետին և արտասուօք իր եղբայրը կը խնդրէր: Արդար աղաչանացը լսեց Հայաստանի Ս. Հայրը. և մինչդեռ Պարսիկք պատրաստուեր էին սպաննել վհրահատ՝ որովհետև արեգական չէր երկըրպագեր,


անիկայ Պետրոս առաքելոյն պէս բան,
 տէն դուրս գտնուեցաւ և հասաւ Հայոց
 բանակը: Ամենայն որ կրնայ երևակա-
 յել ինչ զգացին այն երկու տաքուկ
 սրտերն՝ երբ իրարու գրկախառնեցան:
 Աւելորդ կը համարիմ պատմել մէ-
 կիկ մէկիկ ներսեհի բոլոր պատերազմ-
 ները ու քաջութիւնները. այս միայն
 բաւական ըլլայ իր արի ու վսեմ հո-
 գւոյն նշանակ, որ երբ անգամ մը յան-
 կարծակի արշաւելով Պարսիկները գե-
 ըրի տարին այս երկու կամանարականաց
 իշխանուհիքը, Պարսիկը գրեցին ներ-
 սեհի որ եթէ թողու զՎահան՝ իր եղ-
 բօրը հետ մեծամեծ պատիւներու կը
 հասնի, և կ'ընդունին իրենց սիրելի ա-
 մուսինները: Բայց կամանարականք պա-
 տասխան տուին, որ եթէ Աստուած հաւ-
 ներ է իրենց դործոցը՝ ողջ առողջ կը
 դարձնէ զանոնք: Եւ յիրաւի Պարսիկը
 ամենայն պատուով պահելէն վերջը
 զտիկնայքը՝ քիչ առնէն դարձուցին:
 Վասն զի տեսնելով որ Հայերը չեն զի-
 ջանիր, և իրենք շատ երևելի անձինք
 կորսնցուցին, սկսան հաշտութիւն խօ-
 սիլ, ու Հայաստան խաւրեցին իրենց և:

ընելի խորհրդականը՝ Նիխոր, Վահան
 ալ զՆերսեհ խաւրեց իր եղբօրը հետ:
 Յետոյ երբ ամեն բան յարմարցուցին,
 Վահան ալ գնաց խօսելու Նիխորին ու
 թագաւորին հետ, և իր տեղ թողուց
 զՆերսեհ: Իսկ խաղաղութիւնը բոլոր-
 վին հաստատուելէն ետքը երբ Վահան
 Հայոց Մարզպան եղաւ՝ Ներսեհ ալ
 մեծամեծ պատիւներ ընդունեցաւ թէ
 'ի թագաւորէն և թէ 'ի Վահանայ,
 ինչպէս որ արժանի էր:

Անկէ ետե դառնալով իր երկիրը՝
 ցուցուց որ պատերազմէն աւելի քաջ է
 'ի խաղաղութեան. եկեղեցիներ շինեց,
 դպրոցներ հաստատեց, և ինքնին կ'եր-
 թար տեսնելու անոնց յառաջադիմու-
 թիւնը ու պարզկներ բաշխելու. միշտ
 սիրելի միշտ ցանկալի ըլլալով ամե-
 նուն: Եւ վերջապէս իր նահատակի նը-
 ման կեանքը՝ առաքիւնորէն պատկերով,
 թողուց ազգին Ներսեհ անուան սրան-
 չելի գաղափար մը:

ՎԵՆԵՏԻԿ





Ս. ՆԵՐՍԷՍ ԼԱՄԲՐՈՆՍՅԻ

Ս. ՆԵՐՍԷՍ ԼԱՄԲՐՈՆՍՅԻ

Ծնաւ ուրբ հայրապետս 1153ին
և, մկրտութեան անուամբ Սմբատ կոչուեցաւ. սքանչելի խառնուրդ մը մեր քահանայական և թագաւորական ազգատոհմից, վասն զի իր ցեղն պահլաւեան և հայկական տոհմից խնամութեամբ յառաջ եկած էր:

Դեռ չճնաճ՝ բարեպաշտ մայրն Շահանդուխտ, Ներսիսի Շնորհաւոյ եղբոր դուստրն, նուիրեց զանիկայ Աստուծոյ. բայց երբ ճնաճ՝ տեսնելով դեռածին մանկան շնորհալուր կերպարանքը և զեղեցիկ ճիւղերը, չուզեց զաշխարհ զրկել այնպիսի հարուստ աւարէ մը:

սակայն զուր տեղ ջանացաւ . մինչդեռ Աստուած իր տան համար սահմանած ըլլալով այն ճոխ գանձը , գրեթէ մանկան մահու հիւանդութեամբ և անկարծելի հրաշիւք առողջութեամբ մը՝ նորէն զբարեպաշտուհին Շահանդուխտ իր առջի մտքին վրայ հաստատեց :

Զարդանալով հասակաւ և աստուածային շնորհք , սկսաւ իր հրեշտակային վարուքն և իմաստուն ծերունեոյ մը խոհեմութեամբ ցուցնել , որ ինքն երկնաւոր և անանց նպատակի մը սահմանեալ է : Անգամ մը հօրը հետ՝ ի Կ.Պօլիս կայսերական պալատը գտնուելով , Մանուէլ կայսրն զարմացած տղուն ազնիւ ու նազելի կերպարանաց վրայ , և անկէ ճանչնալով անոր ապագայ հանճարը , գիրկն առած , լեթէ քովս մնաս , կ'ըսէր , հօրմէդ աւելի փառաց և պատուոյ կը հասնիս : Մտիկ կ'ընէի սիրով , ըսաւ Սմբատ , Տէր արքայ , միայն թէ խոտացած փառքդ և պատիւներդ անանց ըլլային , վասն զի ես անանց և մշտնջենաւոր փառաց կ'ուզեմ հասնիլ :

Առ ժամանակ մի քաջուած Սկևռայ վանքը , հոն ճգնաղբեաց վարդապետի

մը առաջնորդութեան տակ դաստիարակուեցաւ ՚ի հոգևորս , միանգամայն և յուսմունս , յոր բնութիւնն տուեր էր իրեն բնածին յաջողակութիւն մը ընդարձակութեամբ մտաց : Քիչ ատենուան մէջ կատարելագէս սորվեցաւ յոյն և լատին լեզուն , զամէնքը զարմացնելով իր գժուարագիւտ մտավարժութեան և հասողութեան վրայ :

Տասնուվեց տարեկան զինքն՝ որը ձգեց իր հայրն Օշին Սեբաստոս , կտակաւ յանձնելով Սկևռայ վանականաց՝ որպէս զի ժամանակին զՍմբատ առաջնորդ գնեն նոյն վանքին , որուն եկեղեցին ինքն շինած էր : Այս բանս շատ ծանր եկաւ Սմբատայ , և կը խորհէր փախչելու . այլ բարեպաշտօն մօրը միջնորդութեամբ ստիպուեցաւ անոր քռիէն սուրբ Ներսէս Շնորհալիէն քահանայական կարգն առնուլ . սուրբ հայրապետն տեսնելով ՚ի նմա աստուածային շնորհաց առատ հօսանքներ , և յետ իւր անոր շնորհալի ըլլալը , քահանայական կարգին հետ անուանակցութեամբն ալ պատուելով զինքը Ներսէս կոչեց : Թէպէտ և անկէ վերջ սուրբ կա-

Թողիկոսին հայրական խնամոց վայելից մէջն էր, բայց իր ոսկեփայլ հոգին, աստուածասէր միտքն և հանճարն՝ յանապատս խնդրէր սաւառնել. ուստի զիջաւ իր փափագանացն հաղորդ սուրբ հայրապետն՝ անոր արժանընդունակ խնդրոյն, ու թող տուաւ որ երթայ Սև լեռան ճգնարաններու մէջն իր ճարակը գանայ: Հոն գնալով յառաքինութենէ յառաքինութիւն Գիտնական Ստեփանոս վարդապետիմը սրբակրօն առաջնորդութեամբ, քիչ ատենէն յայտնուեցաւ իր աստուածախառն իմաստութիւնն, և բռնադատուեցաւ կրօնաւորներէն՝ երթալ քաղաքն և ՚ի հոգևորս պապեալ ժողովրդեան աստուածային բանին բաժակը մատուակել: Արբեալ արբեցաւ ժողովուրդն ոչ միայն աստուածային բանիւն, այլ և անոր երկնակրօն վարուց անուշահոտ սրբութեամբն ալ, և ուզեց զինքն եպիսկոպոս ընտրել:

Ներսէս իրմէ շատ վեր համարելով այսպիսի պաշտօն մը՝ թողուց և Սաղբու անապատը քաշուեցաւ: Հոն՝ իր հոգւոյն ընդ Սաստուած միանալու տեղն, կրած ամենազգի ճգնութիւններն ան-

պատմելի են, և ուզողն կրնայ գտնալ իր ներքողին մէջ՝ զոր գրեց Գրիգոր Սկևաջի:

Քսաններեք տարեկան՝ Գրիգոր Տղայ կաթողիկոսէն՝ որ Ս. Շնորհալոյն յաջորդեց, ՚ի հրամանէ և ոչ ՚ի կամաց՝ եպիսկոպոս ձեռնադրեցաւ. Տարսոն քաղաքն անպատմելի ցնծութեամբ լըցուեցաւ իր նորահրաշ հովուին վրայ, և Սկևայ միանձուներն զինքն զրկաբաց առաջնորդ ընդունեցան:

Սուրբ Ներսէս թէպէտ և լի էր աստուածային նախանձու իր հօտին բարւոյն համար, սակայն Սաստուծոյ սիրոյն բռնութիւնն զինքը կը ձգէր յանապատս եղիպտոսի և ՚ի լեռան Սեպուհ, տեսնալու զէթ իր հոգւոյն նախահարց սրբավայրը:

Սմենայն ինչ զՆերսէս արժանապէս Տարսոնեան երկրորդ փող անուանել կու տային Յունաց և Լատինաց. ընտիր ցեղովն, անուամբ, հանճարով, լեզուովն և սրտով. և իր այնքան բարեմասնութեամբք հանդերձ՝ բազում վշտաց և նեղութեանց համբերեց, ըստ օրինակի Տեառն մերոց անարտունջ. և ինչպէս որ

Քրիստոսի սիրուն աշակերտաց սրբու-
թեան մեծ նշան մ'ալ հալածանքն սե-
պուած է՝ հարկ էր որ այս ալ անոր վրայ
կատարուի :

Տգէտք ոմանք իրենց յամառութիւնը,
հնացեալ անկարգութիւններն և առ-
այլ քրիստոնեայ ազգեր սիրոյ պաղու-
թիւնը՝ նուիրական աւանդներ կարծե-
լով, 'ի ներսէս անոնց հակառակող մը
տեսան, և զանիկայ ինչուան մեր Բլևո-
նի զիմաց ամբաստանեցին: Բայց ներ-
սէս որ իր ամբաստանօղաց կրթով լը-
ցուած հոգիէն շատ հեռու էր, և ամէն
ջանք 'ի գործ կը գնէր ազգային եկե-
ղեցւոյ զեղծմունքները ջնջել և առջի
պայծառութեան հասցընել, որ սիրտ
ունէր նախ աստուածասէր և ճշմարտա-
սէր ապա ազգասէր, իր ամբաստանու-
թեանց պատասխան չտալ վտանգաւոր
տեսնելով՝ նամակաւ մը միայն զինքն
արդարացոյց, զլևոն շահեց և զսօսխան
կարկեցուց :

Իր կեանքն հայելի մ'է քրիստոնէա-
կան վարուց, և 'ի մասնաւորի՝ վիճակա-
ւորաց: Այնչափ զառնազառն վշտաց
մէջ, ազգին վիճակը տեսնելով և քննե-

լով, գնաց 'ի Կ.Պօլիս, յԱնտիոք, ամէն
ջանք ըրաւ ազգը միաբանել ընդ օտա-
րաց. բայց եթէ աստուածային առան-
ձին նախատեսութեամբ մը չկրցաւ
զայս, գէթ կրցաւ շատ անկարգութիւն-
ներ վերցընել: Կնքեց իր առաքինի
կեանքը յամին 1198, կենդանի մնալով
իր լի աստուածաբանութեամբ և հըմ-
տութեամբ երկասիրեալ գրոց մէջ. որք
են Մեկնոչիւն խորհրդոյ պատարա-
գիւն, Ատեւարսևոչիւնև Հոռովայի
Ժողովոյն մէջ, ճառք 'ի Հաւքարձոռնև
և 'ի Հոգեգաշուտև, Մոռք Գրոց մեկ-
նոչիւնևեր և քանի մը շարականք. ո-
րոց վրայ առանձին խօսել չի ներեր մեր
համառօտ գրուածն: 46 տարուան վախ-
ճանեցաւ ներսէս Լամբրոնացի. սրբա-
զան վարքով և վարդապետութեամբն
ալ մեր ազգային առաքելական սուրբ
հարց շարակարգը կնքեց:

ՎԵՆԵՏԻԿ

ՍՈՒՐԲ ԳԱԶՍՐՈՒ ՏՊԱՐԱՆԸ

ԼԵՒՈՆ ԱՌԱՋԻՆ
ՌՈՒԲԻՆԵՍԱՆ ԹԱԳԱՒՈՐ ՀՍՅՈՑ

Մեջին դարու քաղաքագէտ Էլիսա-
զաց ամենէն երևելի անձանց մէկն է
Լևոն Բ Ռուբինեան, առաջին թագա-
ւոր իր ցեղին:

Թորոս Բ. Մտեփանէ եղբոր որդին է
սա. որ քաջութեան առաջին փորձը ցու-
ցուց եղբորը Ռուբէնին ազատութեամբ,
զոր Լատին Պեմունդ կոմսն նենգանօք
բռնեց էր: Յետ մահուան եղբորն յամի
1185, Լևոն յաջորդելով՝ աթոռը փո-
խադրեց ի Տարսոն, և սկսաւ իր քիչ-
ւոր՝ բայց քաջ զօրքովն տէրութիւնն
ընդարձակել. վաճառեց ի կոնիոյ սուլ-

տանը, տիրեց իսաւրիոյ մինչև ցծօղն . պաշարեց զԿեսարիա Պաղեստինոյ, և շատ գանձ առած քաղքին իշխանէն՝ թողուց զպաշարումն և դարձաւ 'ի Կիւլիկիա . իր տէրութեան չորս կողմունքն ամրոցներով և բերդերով պարսպեց : Նորոգեց զՍիս, և ամօռը հոն փոխադրեց, ուր դարձեալ շատ եկեղեցիներ և հիւանդանոցներ շինեց . աստուածպաշտութեամբն, խոհականութեամբն, քաջութեամբ և մեծանձնութեամբ ամենուն և նաև օտար ազգաց պատկառելի և յարգելի եղաւ : Պաշտպան կեցաւ Ասորւոց կաթողիկոսին, որով անկէ վերջ՝ ինչպէս կը վկայէ Ասսեմանի . Կիլիկիա եղած Ասորւոց կաթողիկոսն Հայոց թագաւորէն կը հաստատուէր :

Երբ Յուսուփ Մալահադին առաւ զերուսաղէմ Արևմտեայց ձեռքէն, նոր խաչակիր զօրք ելան, որոց գլուխն էր Փրեղերիկոս Ա . Գերմանացւոց կայսրն . որ երբ հասաւ յիկոնիոն, Ղևոն՝ Գրիգոր Տղայ կաթողիկոսին հետ ինչուան 'ի Մսիս ընդ առաջ գնաց կայսեր՝ շատ պաշարով, ինքն Մսիս մնալով պաշարք խաւրեց առ կայսրն . կայսրն շնորհա-

կալ ըլլալով՝ խոստացաւ թագաւորեցընել զՂևոն . սակայն ինքն տարածամ մեռնելով՝ արևմտեայք նորէն կորիզուխ ետ դարձան, Ղևոն գրեց առ Հենրիկոս Չ . Փրեղերիկոսի որդին՝ յիշեցընելով իր հօր խոստմունքը . Հենրիկոս խորհրդով և հաճութեամբ Կեղեստինոս պապին, որուն յարգանօք նամակ մ'ալ ուղղած էր Ղևոն, զրկեց արքայական թագ մը և արծուէնչան դրօշ մ'ը . ընծայաբերն էր Կոնրադ արքեպիսկոպոս Մոգունտիոյ, որ և հանդիսակից եղաւ թագարութեան հանդիսին՝ որ Աստուածայայտնութեան օրը յամին 1199 կատարուեցաւ . պսակողն Գրիգոր Գ . կաթողիկոսն էր, որ և թագաւորին հետ շնորհակալութեան զիր ուղղեցին առ Մ . Պապն :

Պաղտատայ ամիրապետն մեծամեծ ընծաներ խաւրելով, և Յունաց կայսրն ալ ականակապ թագով մը բարեկամումութիւն ցուցին Ղևոնի, որ աւելի նուրբ քաղաքականութեամբ զամենքն ալ յարգեց՝ առանց մէկու մ'ալ իր մեծանձն ազատութիւնը ծախելու : Որովհետև իր փափագն էր անկախ տէրութիւն մ'ըս-

տանալ իր ազգին բարւոյն համար . և մէկէն ալ սկսաւ քաղաքական բարեկարգութիւնները հողալ : Հասարակաց մեծամեծ շէնքեր շինեց , որոց մէջ երևելի էր մայր եկեղեցին Մսոյ Էջմիածին անուամբ : Մինչդեռ այսպէս Լեոն զբաղած էր իր մեծագործութեանց , Իկոնիոյ սուլտանն որ արդէն կը մխար իրեն դէմ , յարմար առիթ գտնելով յարձրկեցաւ 'ի Կիլիկիա և պաշարեց զկապան բերդը . Լեոն յանպատրաստից դէմն ելաւ , սակայն չյաջողեցաւ , ու նորէն առանց չփոթելու ուրիշ հնարք մը հանճարեց . Ժողկեց իր ցիրուցան զօրքն ու զաղտուկ դիմեց սուլտանին երկիրը , աւրեց աւրըչտկեց ու գերեաց բազմութիւն մը բռնեց . ուչ իմացաւ սուլտանն , և հաշտութիւն խօսելով Լեոնի հետ՝ գերինները փոխանակեց , Լուլուայ բերդն ալ վրան տալով :

Նոյնպէս Եզիպտոսի ամիրայն ալ ահաւոր բանակով մը Կիլիկիոյ վրայ սկսաւ քալել , սպառնալով Լեոնի՝ որ եթէ տարեկան հարկ չվճարէ՝ սրով և հրով մաշէ զԿիլիկիա : Լեոն առ ինքն եկած պատգամաւորաց դիմաց մարդ խաւրեց ,

որպէս զի երկայն ճամբաներով զանոնք ուշացնեն , ու ինքն յանկարծակի առնոնց զօրաց վրայ յարձրկեցաւ , որք անպատրաստ գտնուելով հազիւ կըրցան փախչելով ազատիլ : Լեոն թշնամիներէն առած վրաններով և դրօշներով պատրաստուած՝ ընդունեցաւ ըզպատգամաւորս , որոնք շուարեցան եղածին վրայ , և զթութիւն պաղատեցին . Լեոն ալ թողուց զանոնք որ երթան : Երբ անդամ մը Լեոն աներոջը այցելութեան գացեր էր 'ի Կիպրոս , Ներսէսի Լամբրոնացւոյն Հեթում եղբայրն դուրս քաշեց . դարձաւ շուտ մը բռնեց զապստամբը , բայց Գրիգոր կաթողիկոսին ազաշանօք աղատ թողուց , միայն ապստամբութեան առիթը վերցուց , անոր ձեռքէն բոլորովին հանելով Լամբրոնի բերդը :

Իր թագաւորութեան վերջի տարիները տէրութիւնը դեռ աւելի ընդարձակեց մինչև ցՉորրորդ Հայս : վերջի հիւանդութեանն ատեն կանչեց ազգային նախապատիւ իշխանները , ու յանձնեց անոնց թագաւորեցընել 'ի գլխոյ Հայոց՝ իր միամօր դուստրը , Չապել , որ

Հաղիւ 10 տարեկան էր. ու ամէն հո.
դէոր պատրաստութեամբ մեռաւ յամի
1219, յ² Մայիսի, 3/4 տարի Հայոց
վրայ իշխելէն վերջը:

Քաջ զօրավար եղաւ, հայրենասէր
թագաւոր և ժողովրդեան հայր, միան.
գամայն և բարեպաշտ քրիստոնեայ:



ՎԵՆԵՏԻԿ

ՍՈՒՐԲ ԴԱԶԱՐՈՒ ՏՊԱՐԱՆԸ

« Ազգային գրադարան



NL0418522

